



34606

卽墨楊氏家乘

清溪楊玠承

勅

宋歐陽修隴岡阡表曰顯榮褒大實有二朝之錫命是足以表見於後世而庇賴其子孫臣玠先人世名清白致身敬事克作忠良然三百年來仕宦纍纍卒無有至大官位禁近者亦其遇也而隨分盡職莫不有以自見先臣良臣於明世宗

高黎城縣令招撫巨寇再造澤潞荷璽書褒嘉一貫白金

明神宗朝爲沛縣令修濬漕河工成省亦

八三

以邑令小臣去君門不止萬里而忠勤勞績得上

之聰寵錫褒美其自致於此視津要顯赫者倍難而爲榮

亦更甚故世世訓教子孫期於竭忠盡智以上報國家臣玠年二十四歲學文未就卽蒙今上皇帝賜同進士出身選

知江西贛縣事復承推恩封其所生如天之德涓埃莫報惟夙夜兢兢清勤自矢期於報効朝廷無忝祖父而命運不

方及三年遭廣東潮州知府薛載德挾讐肆忿背旨妄

陷聖朝寬大僅於落職從此長林豐草報稱無從惟有寬然於光天化日之下擊壤鼓腹歌詠太平而已顧草茅疏賤本

無寸長既復其身復榮其親於國無補於家已云厚幸仕宦雖有高卑君命豈有大小則歐陽氏所謂足以表見於後世而庇賴其子孫者正不必贈上公封大國也謹錄左方以志皇恩豈僅增家乘之光亦欲子子孫孫勉竭悃誠仰酬高厚如楊椒山繼盛所謂生平未報恩留待後人補者則臣志願畢矣而先人忠勤之緒亦可克延於世獨惜夫滄桑變更列祖封勅杳無存者又不能不撫卷而三歎也

明

世宗肅皇帝褒山西潞州黎城縣知縣臣楊良臣招撫山寇賜

白金表裏勅

忠勤可嘉

嘉靖二年 月 日

嘉靖四年 月頒諭朝覲官山西黎城縣知縣臣楊良臣勅

書

楊氏家乘

八五

明

神宗顯皇帝褒直隸徐州沛縣知縣臣楊鹽治漕河功成賜金

勅書

闕

萬曆十二年 月 日

大清

奉

天承運

皇帝制曰資父事君臣子篤匪躬之誼作忠以孝國家宏錫類之恩爾楊重鼎乃江西贛州府贛縣知縣楊玠之父善積於身祥開厥後教子著義方之訓傳家裕堂構之遺茲以爾子遵例急公封爾爲文林郎江西贛州府贛縣知縣錫之勅命於戲殊榮必逮於所親寵命用光夫有子尙宏佑啟益勵忱悃
康熙四十九年閏七月二十一日

楊氏家乘

公六

奉

天承運

皇帝制曰錫類推恩朝廷之大典奉公效力臣子之常經爾江西贛州府贛縣知縣楊玠職任花封才堪良吏清廉克彰平庶事慈惠允著於當官復輸盡誠新綸宜賁茲以遵例急公授爾爲文林郎錫之勅命於戲宏敷章服之榮用勵靖共之誼欽茲寵命懋乃嘉猷

康熙四十九年閏七月二十一日

謹按勅書一卷四世祖宣城公五世祖武邑公九世祖雲和
公及九世蠡縣公十一世兗州公列祖封勅杳無存者我
高祖贛縣公心焉傷之己康熙壬辰以後若會昌公思州公
建平公南靖公海豐公介休公陽穀公鄒縣公鳳陽公安肅
公城武公諸祖封勅後嗣俱不能謹守散佚無存堡等逐戶
諮訪遍搜舊篋雖欲補苴掇拾於殘缺之餘亦渺不可得及
光緒癸卯遠赴蓋平採訪見有仁卿肅菴諸伯及族兄海珊
諸封勅惜未抄錄携歸尤不能不撫衷而內疚後之人倖登
仕版遇 覃恩邀封典務須敬錄一冊藏諸家祠世世謹守

楊氏家乘

全七

勿忘 君恩庶足表見後世而庇賴子孫也夫

光緒三十年甲辰六月十一日十七世孫貴堡 謹識

奏疏

余小子讀太原府君奏世宗皇帝疏不禁掩卷而流涕也曰嗟呼士束髮受書見夫臯益陳謨伊傅訓命未嘗不神遊乎賡歌颺拜之世冀以身與其盛及觀忠臣義士批逆鱗折庭諍歷九死而不悔者又往往扼腕奮激謂烈丈夫固當如是蓋君臣大義無所逃於天地之間而幼學壯行致命遂志其素所期許固然也至爲外吏沉下僚讜言嘉謨鬱弗獲宣雖有忠愛惻誠激烈奮發尊主庇民之術濟人利物之能卒苦於無所施命也如何遇也如何若夫捐軀忘家崎嶇險阻身

楊氏家乘

三八

冒乎鋒鏑口折乎豺狼出萬死不顧一生慷慨以就功名而邪臣忌之媒孽沮阨百計敗壞將陷於不測不得已而痛哭陳書上干君聽千古臣子命窮遇塞莫甚於此然則府君之事可悲痛而情可憐矣鄒陽獄中之書陳湯道之上奏百代而下覽其詞者殘不傷心下淚歛歔而不可解况其子孫也哉况玠也哉玠幸生盛世弱冠釋褐淬礪志氣思少補清時以竟前人未展之意猥以地遠官卑未得伸眉論列稍酬君恩故瓦缶之響常讓黃鐘構櫨之材終遜樑棟賤士之醜難荷天慈也今構陷而免僅抱此志槩澗終老如同草木

腐矣顧其平日頗爲當代大人所器識屬以筆札有錢法火器二疏稿頗皆見賞雖卒躑躅未果 上聞然貽我後人或知玠爲臣子非敢不留心於世事者嗟乎府君與玠勢處疏遠祖孫一轍也府君奮其忠勤讐服巨寇奠定大行以西謀猷卽未盡展功名已克著於世玠徒幸際昇平竊祿位者三年卒鮮尺寸自効其視府君爲有玷空言無補可愧也乃其潦倒困阨則何不爽耶觀撫軍卽公保留一疏亦有足以發子孫之長慨者噫嘻

奏王正宗激變地方疏

楊氏家乘

八十九

山西潞州黎城縣知縣今調山西太原府通判臣楊良臣謹奏爲仇官借罪陷人以致激變地方老師坐費久無成功伏乞差官勘處以安地方以蘇冤抑事臣由舉人任山西黎城縣知縣新陞今職在任不避艱險盡心報國嘉靖二年鄰封潞城縣青羊山賊首陳遷等聚衆作反蒙撫按二司委臣督領潞澤二州潞城六縣兵民勦殺臣見山勢險峻難以進兵只得申稟上司單騎入寨宣威諭德後果不勞一兵不費一財致其歸服地方寧輯荷蒙欽賞白銀二十五兩嘉靖三年驀被外方強賊投入本山劫掠有分守王參政督軍襲捕亦見山勢難勦掣回官兵

令臣入寨招撫賊各潛伏嘉靖四年有附寨桑梓等鎮因爭開

集場鬪然仇殺差臣輯撫卽時安輯五六千人嘉靖六年河南

恩邨被盜劫殺潛赴青羊山分賊潞澤州縣衛所巡捕官軍不

能擒拿征勦巡按分守責臣處置臣亦直入本寨曲折慰諭一

寨悉平仍遵先年設立十排里甲准保陳卿爲巡捕老人各安

生理地方寧輯本年七月內有原任御史考察降調潞州州判

王正宗因赴任經過黎城縣仍照御史體統行事臣公差不在

致被本官怪臣不行回縣迎接遂成仇隙八月間上司委本官

署掌壺關縣印適有本縣人民張雲家被賊劫掠財物本官要

楊氏家乘

九十

得乘機害臣捏稱係是青羊山劫掠殺人親到各該上司誣譖

臣受各賊金壺銀兩馬疋等項虛情臣職居卑屬無處分解

後來擒獲壺關賊寇到官考打供稱夥內並無青羊山與陳卿

等並無相干見有賊犯在監并供招在官可驗又查訪金壺銀

兩馬疋等事係潞城刁民焦佩誣言先任潞城知縣楊盈屈情

亦有上司提問案卷可查王正宗倚恃原任御史聲勢務飾已

非堅要巡撫衙門奏請調兵勦殺却乃聽憑陳卿仇人翻倒逆

賊原得祿等指尋鄉導於嘉靖七年正月十八日有都指揮霍

錦澤州知州王朝雍潞州知州郭鏗各督官軍與賊對敵不料

反被賊衆殺死指揮民快人等官軍數多又將二知州擄虜入山大勝而去彼時雖萬斷王正宗屍骸猶不足以謝天地祖宗神人之怒也彼守巡官員無奈只得廣求善於招撫之士以圖撫出二官當有本學訓導趙從虎舉臣先年撫賊二次恩信足以服衆可用彼臣正被侵欺邊糧問發充軍大戶鄭倫捏詞誣告誣誤在監有王正宗鼓掌踴躍套漏鄭倫一面誣詞暗填簿籍存照蒙守巡各官取臣入司矢詞干許說稱汝先年屢有撫賊活衆奇功朝廷未曾重賞今汝能再樹奇功撫出二官我等自能奏薦必有大封重爵彼臣但思以圖報爲重不敢以望報

楊氏家乘

卷一

爲心只得三次拚身忘家深入賊巢宣諭威德衆皆焚香跪拜俯伏聽從願容悔改自新卽將知州王朝雍郭鏗送臣領出又拓撫出牛聚財等四千一百人甲四百副弓五百張箭一萬一十矢赴司投獻各給執照寧家萬民稱快蒙兵部題本聖恩將臣改任太原府通判仍留軍前聽用豈料王正宗百計謀陷不遂又見臣有招撫微勞愈加妬忌譖囑合干當道將臣撫過歸誠賊寇務欲動兵勦殺棄成功雖違旨滅盟喪衆費財而不顧將臣被誣小失務欲投畀大罪鈞連上下雖壞公道恩義而不恤况各官止知奉承王正宗雖明知激變之由起於本官攬

漏假借之奸緣以釀成大禍抽刀不能入鞘只得昧心強圖征
勦黨成蒙蔽將臣轉陞之官託以緣事未畢延挨羈縻不與歸

結意在他日擒獲陳卿得以考逼裝誣入以重罪以雪其怨敢

不預爲奏訴勘明切思舊年張寅委無叛逆情由御史馬祿等

結黨裝誣一家幾乎凌遲產業盡皆抄沒幸蒙聖君賢相明見

萬里親提研審燭斷疎放張寅發遣各黨天下稱快今陳卿之

變實由王正宗借罪裝誣害臣而起則正宗之惡不下於馬祿

而臣與陳卿被激之冤不減於張寅萬一將來入其黨蔽牢籠

之計斯時辯訴遲矣且臣前日入寨撫出二官遵奉衆議傳以

楊氏家乘

九三

聖恩寬宥陳卿等叩首謝伏卽便送出不料衆官過路拆橋益

嚴勦殺之計致陳卿等益懷固叛之心然陳卿凌遲之罪固難

脫免而臣失信於叛賊亦不足較但恐將來日費千金老師挫

銳而不能收功是以蕭牆腹心之間以貽九夷八蠻之笑也古

之龔遂單車渤海悉平寇亂顛使賣劍買牛賣刀買犢而日治

亂民猶理亂絲姑緩之而後可未必無見邇者議處監生李克

己齋榜招諭深得大體但衆人忌功拘執陰爲阻壞事必難成

伏望皇上俯納臣言乞敕大臣計處遣差公正官員前來細訪

要見本寨日前旣已平復後係何人激變傾心送出二官又係

何人撻置勦殺罣誤之罪果何重大乃各官聽憑誣陷之譖忘
臣撫輯之勞將臣故意羈留不放務求從公判斷庶免日後遭

伊阬陷之患而後之赤心報國者皆激勸矣爲此激切具本令

親弟楊良士賚抱謹具聞

奏巡倉御史誣陷疏補入

直隸徐州沛縣原任知縣今蒙恩允冠帶閑住臣楊鹽謹奏爲

辯明極寃事臣原籍山東萊州府膠州卽墨縣人由舉人於萬

曆八年恩授山西平陽府吉州儒學學正至萬曆十一年九月

十七日陞沛縣知縣本年十二月二十一日到任臣自到任以

楊氏家乘

九十三

後見得該縣災憊於窮苦百姓加意撫摩曲爲節省沛民連歲

以此得安居度日臣亦得以少盡牧民之職竊幸自安蓋臣家

自祖父以來科貢幾世作縣得入名宦鄉賢受累朝厚恩相延

百年至臣又叨承一官惟矢志奉公報陛下盛恩也今被直隸

巡倉楊御史不知委託何官差何人於何處窩訪之家采訪架

捏臣未陞官以前他人無影事件六款將臣參劾已蒙陛下恩

宥容臣冠帶閑住臣無任感激但仰念陛下設州縣有司牧民

以慈祥節愛爲本臣恪遵陛下明旨以慈祥實心行節愛實政

不務干譽逢迎止以廉恥名節爲重而窩訪之家猶誣害臣爲

江北貪官更不知是何年何官所行六事徑以臣當之去臣之

官使臣無所控訴則一念忠愛之心上不得白於朝廷下不得

盡於地方歸家不得取信於親族鄉黨思必後將傳之世世以

臣爲貪污無恥之徒貽臭不泯有負臣承家報國清白之忠臣

雖死於九泉之下亦是含冤之鬼也然臣之官雖卑微無敢稱

辯但思受三十年燈窗之苦而服官清慎年半不惟不列臣爲

廉謹之輩猶一旦加臣貪肆之名使夙昔慈祥節愛之心俱置

之無用之地是以臣日夜撫膺扼腕實難甘忍也奏乞陛下將

臣所奏行直隸撫按官秉公查勘如參臣事六款內果有一款

楊氏家乘

九志

係臣問過事件或係該縣有此六事內人之姓名即甘認重辟

願陛下斷碎臣首以號令天下死亦瞑目如六事俱與臣無干

臣之心迹得以暴白於陛下照臨之中免四方傳罵臣爲殃民

蠹國之儔矣然聞風參奏御史之職其事涉不實乃原託訪官

之官差訪之人與窩訪者捏欺也伏乞勅下撫按官詳究彼時

原委何官江北訪察何官差何人於何處開此六事得其根據

俾臣與之對面証虛實洞見即盡法痛釐此弊斯不負陛下屢

行明旨不惟臣不受污雖後之江北爲官者亦將免受窩訪網

賄之人任意栽害叅官者亦不得輕信採訪裁訪好徒報復私

仇據單開寫當官者亦得以竭忠委身懋修職業安心撫衆永
固朝廷邦本也臣謹冒死具本並臣六事開單親齎奏聞

計開原臣六事

一教場地每年分租銀十兩 一王子立姦殺義女

一朱錦爲白蓮教夜送百金 一韓方手刃懿親

一改張棟強盜爲竊盜 一开梧假印冒支官帑

臣依奉

查得教場地先於萬曆五年十月初九日該本縣先在知縣馬

崑據本縣民祝汝平等具狀認種至萬曆七年間黃水滄沒各

楊氏家乘

九十五

民告退至今仍照聽候採用並無人種與臣無干

查得朱錦韓方王子立开梧張棟等五事本縣並無姓名事跡

不知是何處人是何處何官的事件妄行裁害

陳錢法疏代稿

臣竊謂上古之世日中爲市各以所有易其所無交易而退自

太公設九府圜法管仲修之爲輕重九府國富兵強後世便之

歷代相沿至於今不廢謂其便携持有無也而奸人趨鶩其

利往往鳩衆私鑄攙和流布與制錢相抗良可痛恨 皇上赫

然思剔奸釐弊之法令東省官司收買銅器發寶源寶泉二局

更鑄新錢又令東省民庶凡上納錢糧准以銅錢二千抵銀一兩官司徵收解赴京師銷毀絕私鑄而通國寶甚盛心也而愚民無知未免皇皇蓋錢者泉也圍也自其圍轉無定謂之圍自其周流不已謂之泉誠百姓之所不可一日缺者巨族世家富商大賈多蓄金銀積寶貨或至數萬然未有積錢幾百萬貫者不便於携持恐或廢不行也獨貧民衣食日用之需非錢不可今徵收入官勢將轉而用銀然物大而價多者用銀可也若匹夫編戶市米一升草一束鹽一掬水一擔或僱一夫役市一梨棗鄉郵愚民有不識銀色戩頭爲何物者舊錢已盡而新錢未

楊氏家乘

九六

至勢將坐受其困矣以錢納糧其法甚美第恐有司奉行不善耳夫 國家所收者私錢非制錢也故設秤以稱之與廢銅等而徵收之更多揀其輪廓周正字畫真楷者然後從而稱之以合於筋數稍有破缺模糊置不收是但收制錢而不收私錢制錢日少而私錢常在民間矣私錢旣不可納正貢而又不准其納銀故銀日賤錢日貴銀一兩五六錢所易之錢不足以納一兩之數朝廷未嘗加賦而百姓盡受官吏之累更有不肖官員以所收制錢易銀而轉以銀易私錢給發口糧工食等項皆以私錢充之是制錢盡爲官收而私錢轉爲官用猾胥蠹吏又從

而上下其手民之受其縛折抑勒有不可勝言者而私錢終不可絕也解之赴京尤有甚難曩日征銀起解銀一千兩計六十二劬半驢一頭可以運致今若徵錢二千千串則一萬三千劬需驢二百頭乃能勝任一驢費用日計銀一錢而夫役口糧尙在其外東省去京雖近然遠者三十餘站近者猶十餘站統以十五站計之需用解費三百餘兩山東每年額征銀三百餘萬兩度其解費不下百萬兩官吏平時不能覺察責令自備運腳誠足以儆戒闖冗然竊計額編十萬者令備運腳三萬兩額編一萬者令備運腳三千兩雖鏤骨剝血必不能賠墊如許勢必

楊氏家乘

九十七

將巧取之民間則名雖官解實仍民解也至禁用銅器收買入官以充鼓鑄固可以絕私鑄之本然東省原不產銅所用銅器皆自他省來者銅盆銅釜等物富厚之家間或有之民間銅器不過香爐粧鏡鈕扣煙袋而已其物甚微其數甚寡而零星煩瑣卒難收拾又皆必需之物罄一省之銅僅可數十萬劬無濟於鼓鑄恐光棍奸吏因而挾制打詐或致生事擾害地方亦事之不可知者臣竊謂清其流莫若塞其源欲絕盜鑄在抑私錢欲抑私錢在貴制錢也凡奸人所以盜鑄者爲其有利耳制錢厚重私錢輕薄毀制錢一文可鑄私錢三文又雜以鉛錫可鑄

四文本少利厚故觸刑犯禁而趨死如鶩誠嚴其禁令使民間貿易一以制錢爲主其現在私錢準以三文抵制錢一文有存私錢五十串以上者許報官驗看銷毀或以三月或以半年爲限過限不毀者事發到官治以私鑄之罪其地方官吏有不留心稽察者以通同作弊處分條教以開其前嚴刑以隨其後奉法畏罪之人必不敢棄制錢而用私錢矣私錢既賤而又無所用平日通同販買者必不肯復往雖有盜鑄奸徒必不肯以無利之事甘蹈刑法勢必銷毀私鑄打造別樣銅器改行徙業復爲良民是私鑄可不禁而自絕也伏見 皇上御極垂五十年

楊氏家乘

卷六

興利除弊凡可以有益民生者無不汲汲皇皇期於盡善卽如江南溜淮套督撫臆奏請興工 翠華臨幸體察民情稍有不便卽行停止天地無私萬方同慶今錢法一事惟無據實愷切上聞者臣素受 國恩至深至厚既有所見敢不冒死直陳伏乞 皇上勅議停止收銅納錢之條地丁錢糧仍舊徵白銀而以禁絕私錢責諸有司庶泉源日流而東省百姓永沐恩波無既矣

請南贛吉鄉勇准用烏槍疏

代稿

臣伏讀 上諭火器爲行營打圍之具禁止民間施放部議民

間防身或遠行攜帶止許用一尺五寸其舊用烏槍地方官查
追一體通行到臣即嚴飭所屬弁兵如有借查拿烏槍名色

擾害地方者立即究治在案伏思 聖心深遠恐以衛民者害

民誠消患於無形絕禍於未萌臣又何敢多置一喙然臣就所

統轄地方情理形勢揆之有與他省不同者臣職任封疆未敢

緘默不言敬爲 皇上陳之臣標建設贛州吉安在其北南安

在其南此三府者皆崇岡峻嶺綿亘連絡初無平原曠野人物

輻輳之所無論編戶居民依山靠澗三五成聚即各處城垣亦

或設岡巒之上或立萬山之中附郭稀疎竈煙遠杳而地近湖

楊氏家乘

九九

楚流當閩粵山勢糾繆路徑叢雜守望或不相見雞犬或不相

聞名爲腹內近地其實不異要荒往事難以枚舉即如前明桶

岡三泖諸寇盤踞百有餘年王守仁奮其智勇加以便宜行事

始克漸次底定奏設崇義縣治然猶多羈縻守仁去後又復鷓

張吳伯朋勦撫奏設定南縣治江一麟繼設長寧縣治始得粗

安則龍蛇難馴之象彰彰明矣故歷設重鎮以資彈壓然地方

廣濶週迴數千里分防之官無多大員故或千總一員或把總

一員弁職既小所統之兵亦遂不過百人乃至七八十人以此

司啓閉則有餘以之禦強暴則不足也此中之人性類猿狙路

徑既熟險阻久歷往來籌筭陡峭中倏忽趨勁捷如飛鳥幸天
下承平 皇上德威震疊萑苻無警民皆安生樂業向使仍如
曩時區區官兵恐未足以滅此朝食也舊日各處地方官及富
戶有身家者率出錢財團練鄉勇日則耕田樵採夜則防盜保
家遇有緩急卽協助官軍併力追捕其來已久是誠民而非兵
然與屯田之卒大畧相等是亦國家無餉之兵也此等鄉勇必
借烏槍爲用蓋山澤崎嶇非可全以短兵相接者今一概禁止
失其長技卽一尺五寸之鎗亦似難以及遠竊恐不逞之徒潛
伏藜莽窺見官兵不多鄉勇無用妄生竊發之心亦未可定昔

楊氏家乘

九五

人禁挾弓矢或謂賊盜不可禁而良民失其衛正此意也臣伏
見閏三月二十九日部臣啓奏摺子內稱若遇有盜賊時放烏
鎗免其治罪業經奉 旨依議在案臣愚以爲吉贛南三府應

照此例其團練鄉勇及富戶有身家者如用烏鎗令其先報所
管地方官取具里長鄰佑甘結登諸簿籍鎗上鐫刻地方姓名
地方官年終照數嚴查但使奉行盡善亦自可無他虞而向時
生心之徒自必潛移默化不致覬覦縱或不逞亦可隨卽撲滅
而我 皇上金甌鞏固永永無疆矣

巡撫江西等處地方兼理軍務都察院右副都御史加四級臣
郎廷極爲特叅道員事看得贛縣知縣楊玠因帶銷廣東叅革
糧道張天覺存鹽抵帑一案先據潮州府揭報該縣任意阻撓
違悞帑餉經兩廣總督趙弘燦題叅嗣據該縣申辯帶銷帑鹽
除照部議新七舊三等銷鹽七十五河四隻零依限報解並無
違悞併據贛南道暨贛州府詳據士民郭多喜等哀籲保留爲
清廉受無辜之累士民有倒懸之厄籲題保留除害安民事竊
照贛邑地連閩粵土瘠民貧自甲寅變後百姓流離未盡復業
疾苦多端幸賴邑令楊自四十七年八月到任廉謹自愛撫循

楊氏家乘

百

多方革圖差之弊雞犬無驚立掛摘之條良頑有辨錢糧則百
姓自封投櫃漕米則納戶自行平盪剔除衙蠹裁減火耗詞訟
令原告自拘恐費民間酒食案卷惟當堂批閱以絕書役夤緣
捐薄俸而成人婚姻懲誣告而超釋波累振興文教提拔孤寒
固圉常空地地方寧靜合邑紳衿士民奉爲嚴師依爲慈母不料
今因帑鹽事蒙兩廣總督趙題叅部議革職喜等聞之合邑皇
皇如失怙恃竊思贛縣原額引二千八百八十道計鹽六十一
河零此乃酌戶口而銷售之定例也自奉均引加至二百二十
八河已增三倍有餘又因張李兩案奉 旨劃定引數新七舊

三贛縣奉派張案每年帶銷七十五河四隻七分李案每年帶銷二十七河零合原額共成三百三十餘河是較原額又增四倍有餘地方有限何能銷售但因大部之定議不敢抗違邑宰之考成不忍遺累故民間左籌右畫勉強遵行不料廣省未查戶口未悉民情虛議贛縣易銷將張案每年又派一百八十五河李案每年又派六十河是較原額忽加九倍止此有數百姓豈能一日兼食九日之鹽乎竊思張案帑鹽部行於潮惠汀贛四府銷售計三十二州縣每年不過一千河而贛縣即派二百六十河零如此計算不過四縣即可銷售有餘豈別縣皆不應

楊氏家乘

百一

銷獨贛縣非 朝廷之赤子乎實在銷售不及而總督趙竟將我等慈父母題奏若我父母或有誑悞後來之官勢必按人攤派朝夕敲朴贛縣百姓必典田棄舍賣兒鬻女替張天覺以海水補庫帑矣離現在慈惠之官蹈目前湯火之厄 聖天子聞之必爲惻隱懇乞俯鑒輿情具題上奏保留清廉弁將額外加派之鹽撥回原處庶地方得安士民有更生之望等因到 臣 經先後批行布政司會同查議茲准部文楊玠應照溺職例革職等因又經檄行去後茲據布政使傅澤淵贛南道陳良弼會詳內稱贛縣帶銷張天覺李續祖兩案帑鹽實因重疊派增多

至三百五十三河零則是帶銷浮於正額况據該縣詳稱贛邑額引加至一萬三千道計鹽二百二十八河零合之帶銷共多至五百八十二河零之數計算鹽價每年該銀一十一萬九千有奇查該縣地丁錢糧解部僅一萬七千餘兩則是鹽價之多反七倍於地丁矣且又據張天覺案內之鹽自四十八年五月起至五十年十月限僅據原商運到一百五十七河零未運到者尙有一百三河零則是運鹽不到應責督運委官原非該縣之違悞矣徒以不遵潮府勒令改批之故致以阻撓揭叅令閩邑士民郭多喜等既懼浮加鹽數過多將來賠累無窮且以該

楊氏家乘

百一

縣楊玠清廉愛民如失怙恃哀籲保留觀此輿情愛戴委屬真摯合請題達等情臣查原派贛縣每年帶銷張天覺案內帑鹽七十五河四隻零乃廣東鹽道遵照部議新七舊三之行核派銷售豈潮州知府薛載德假借通融二字逞其私見謂贛縣奏銷易完加增一百八十五河又李續祖案內原行銷二十七河八隻零亦增六十五河臣細繹部文內開劃定引數新七舊三詞義甚明其所謂通融銷售者乃指額銷引鹽與抵帑存鹽新舊通融非謂潮惠應銷之數可以任意移派於贛屬如是此一

案續增之數實屬浮加所有贛縣知縣楊玠帶銷既無違悞叅

革未免寃抑居官况又廉謹愛戴實出輿誠旣據士民呼籲保
留復據該司道等會詳前來臣不敢壅於上聞仰懇 聖慈
應否准其革職留任以慰民情其粵省於部文三分之二外淨加
帑鹽併賜減除仍歸彼省帶銷庶免偏累壅滯之患咸沐 皇
仁靡旣矣

選擇奏疏補入

臣楊瑛山東萊州府卽墨縣人年四十四歲由附生捐貢又捐
先用於康熙五十一年選授濟南府鄒平縣訓導今蒙 天恩
離任改補誠千載盛遇萬世殊榮欽惟我 皇上下大孝格天至

楊氏家乘

百一

誠動物宵衣旰食時深乾惕之衷駿業豐功常篤率由之志昭
激揚於庶采一時官方澄叙溥德化於兆民四海文教誕敷允
矣道協清寧恩同覆載臣海濱鈍質何裨至治之感然管窺末
議願效一得之陳竊見州縣官凡准過詞狀例必出票差拘原
不過傳來兩造以憑對質詎意貪詐之隸竟視爲奇貨可居持
此官票到門不問輕重一概辱詈求滿所欲而拘齊聽審時必
先押入茶房酒肆需索不貲總計案結富者囊橐盡空貧者典
妻鬻子已可憐憫甚且教唆詞訟串通口供連累無辜害更無
窮我 皇上選擇賢能軫恤民力一時州縣自無不加以體察

究之有清官無廉吏總因利之所在雖一身試法而不顧也臣
愚以爲宜敕下直隸各省督撫行令各該管州縣除命盜案件
外其一切詞訟凡有情實應准者定着原告自拘計其道路遠
近權以事情緩急限日到案卽與剖斷釋放並不假隸人之手
如是則民不至廢時失業而差役亦無所抑勒矣又見各省會
府縣事務煩劇十倍他屬常例每日必謁各該管上司名曰上
衙門城之內有督撫有藩臬有道府衙門相去或二三里四五
里十餘里不等晨興出謁傍午始回冬則輒至日旰本衙理事
往往深夜不休百姓有守候之苦胥役滋欺罔之端卽有勤敏

楊氏家乘

百三

之吏叢脞已多何必循無益陋規費有用時日請敕下督撫通
行附郭所屬府縣其有事宜商酌者不妨隨時接見餘或於朔
望參謁無事則在本衙辦公務俾得專心邑事庶時日寬舒得
爲我 皇上宣布德意愛養斯民而報績亦多矣臣謹遵 聖
旨繕寫履歷並陳末議進呈 御覽曷勝戰慄悚惶之至謹奏

奏疏 補入

臣楊瑛山東萊州府卽墨縣人年五十七歲由附生捐貢又捐先用於康熙五十六年選授山東直隸曹州曹縣訓導今遵旨離任改補主簿欽惟我皇上道協清寧功隆參贊典章炳煥垂修已治人之宏規文治光華昭移風易俗之雅化仁徧昆蟲草木民安物阜而軫念猶切宵旰德洽綏甸要荒雲爛星輝而乾惕益深夙夜激揚澄敘於庶采大法小廉百度咸臻熙和愛養廣被乎斯民賜賦蠲租萬姓均沾樂利嘉徵駢見諸福疊臻履厚戴高擊壤而歌豐稔梯山航海歡舞而慶昇平 臣 章芥

楊氏家乘

百四

微員樛櫟庸質一試芹藻愧造士之未能幸覲天顏懼涓埃之莫報戒偏私於夙夜實事期本之實心思靖獻於寸衷慎終一如乎慎始 臣 惟有慎遵 聖訓恪守官箴勉竭犬馬之微勞仰酬宏恩於萬一耳 臣 謹繕寫履歷恭呈 御覽曷勝戰慄悚惶之至 臣 謹對

卽墨楊氏家乘

十一世孫銘重鼎鑒定

十二世孫玠叙次

藝文內篇

先人世以文名書香相繼前以是啟後以是承鄉黨以是相推重蓋自處士祖號稱博學由元迄明以至於今歷世十五歷年四百無良田美池樓閣臺榭金玉錦繡珍異玩好之遺惟殘書數卷寒夜一燈爲楊氏世業而已宣城武邑之話言更歷久遠缺焉弗見旣無可搜羅者卽太原遺墨亦僅遺像數贊田冊二詩本稿一紙此外遂邈無存每用疚心嗣是以

楊氏家乘

百五

來沛公有味道樓集見素有叩瓦缶集雲和公有澹齋集大復公有客籬草彙征公有悠然廬集文敬公有石襍草山巷草處處草燕遊草雲門草徵君集詩文若干卷竟以終窶不得命之梨棗徒用傳寫存諸私家益增太息焉蓋吾家世以文爲業而竟不得表章其文箕裘之續有慚弓冶可勝悲哉因銓次族譜錄其有關世系及忠孝友弟承先訓後之文爲藝文內篇諸作不能概登也然是譜作於虔州旅邸就行笥中所挾持與記憶胸膈間者次之其味道樓集澹齋集等皆存故里不能舉其詞罪滋大矣他日修譜時當補入瓜瓞綿

綿尙亦無忘先業哉

贊

始祖膠水公畫像贊

遠孫良臣

幼聞祖誨流傳孫子唐前巨族浙江秀水宋初筮仕萊州膠水
金元大明家世墨水譜遭兵燹派失載紀繪此像成尊祖之始

高祖畫像贊

諱均道

元孫良臣

維予高祖博學能書不干仕進韞櫝藏諸

曾祖畫像贊

諱得玉

曾孫良臣

幼亡父母壯入行伍老返鄉園悲哉曾祖

楊氏家乘

百六

祖畫像贊

諱榮

孫良臣

居官四十餘年享壽八十五年緬想承家我祖而能振後光先

父畫像贊

子良臣

少年商賈奮志功名苦研書史早貢神京欽除縣令德重鄉評
退居南圃別號學耕與人爲善教子登瀛古稀七紀夢奠兩楹
哀哀我父無忝所生

自贊

南莊良臣

冠服整肅容貌和怡無過人處喫得人虧內不加食外不加衣

爲子孫者慎保守之

自題畫像贊

鍊庵鹽

勿增我容冠勿遺我心田性自少至老惟接物和顏屬爾丹青之妙寫我居己之謙莊圖旣成但使後世子孫一瞻拜間不問其爲幾世祖悉相親相悅藹如生而盤桓

又自詠

博帶峩冠像亦官服官會不負斯顏當年期作循良漢琴鶴清風沛上還

碑

高祖承直郎山西太原府通判府君墓碑

楊氏家乘

百七

五世孫還吉

嗚呼維我高祖太原府君卜吉於官莊南埠百四十有九年而墓石未立我子孫僉懼有美弗傳無以昭示後人謹按譜始祖膠水公宋時自浙江秀水來仕膠水膠水今平度後家卽墨元至正間一世祖諱官管勅經歷經歷公生均道博學能書均道生得玉得玉生榮以貢任宣城簿榮生五世祖諱澤成化貢仕武邑令廉於官而任節祖妣劉氏呂氏贈安人三子長諱良臣字舜卿卽我高祖太原府君也弘治戊午舉人天性孝友雅敦道義炎暑侍父武邑公疾每旬餘不巾櫛讓產於兩弟始營居

御史北泉藍公爲文云惟茲先廬儘容門外之駟讓彼季子爰及屋上之烏其友于如此業師宋琮尹靈寶卒無嗣服齊衰往返五千里歸其櫬初任太平令愛民如子尤先學校擇民間俊秀延師教之嘉靖元年起復補山西黎城平易近民改遷學宮有狀元呂柟碑記二年潞城陳遷等聚眾數千據青羊山爲亂調發澤汾壺關入州縣兵民委府君督勦以山勢險峻請於上願單騎入撫遷等束手投降明世宗肅皇帝勅書褒嘉賜紵絲二表裏白金二十五兩四年桑梓鎮變再往撫之六年河南盜起投入青羊山再撫之原任御史王正宗齟齬不合心忌其功

楊氏家乘

百八

激變遷等七年正月十八日都指揮霍錦澤州守王朝雍汾州守郭鏗合兵進勦兵敗錦殺二官被執入山賊氛甚熾復單騎詣賊壘招降解二官以歸當事忌功僅遷太原府通判後卒於官年六十有八祀名宦鄉賢高祖妣安人唐氏王氏劉氏三子長諱羨庠生次諱舟貢生次諱鹽我曾祖府君也嘉靖辛酉舉人沛縣知縣沛還琴鶴蕭然以清白世其家世系茲不盡載嗚呼我高祖啟佑遠矣以忠孝遺子孫者昌又聞活千人者福及子孫我高祖撫賊活眾屢建奇功雖封爵未酬而捍禦之烈載在祀典述其指陳王正宗御史師老財費一疏忘身報國

義動鬼神第百餘年來子孫已罕有傳聞況在異日豈茲片石庶幾履霜露而興思是則刻石之意也夫

祖考徵士文敬先生充庵府君墓碑

孫玠

卽墨之名著於列國漢初封諸侯王廢卽墨爲膠東國別設臯虞不其二縣臯虞人王吉子陽有學行元帝卽位遣使者與貢禹并徵所稱王陽在位貢公彈冠者也北齊廢不其隋開皇十六年立今治臯虞入焉歷唐五代宋金元明至本朝一千七十餘年我顯祖文敬先生始於康熙戊午再膺蒲輪之詔以博學弘詞徵赴闕廷蓋王陽以後一人卽墨千年曠典也先

楊氏家乘

百九

生姓楊氏諱還吉初字啓旋更字六謙自號充庵文敬里人私謚也取道德博聞夙夜儆戒之義先生爲雲和公季子承世父陽和公後方三歲二父并見背事本生嫡母純孝上有三兄克恭篤愛沒世如一見稱宗族鄉黨間無間言者訓子姪以禮法內外敬憚有過輒恐其知卽知之無所假借必率德改行乃已好學少壯迄老不輟爲童子見賞於業師紀千秋其後文日益有名甘肥遜不出縣令張君強起之遂受知宛陵施愚山先生愚山爲時風雅宗主慎許可獨謂先生眞傳人稱其詩聲味淡永冷然冰雪之音名益噪顧常因奇數戊午皇帝詔舉巖穴

奇士趙翰林鐵源以名上聞赴公車然亦輒罷先生怡然若得
吾素者讀書樂道終其身年七十五卒於家僅稱歲貢生先生
於學宗程朱常鄙尋章摘句爲小儒孜孜於格致誠正之訓終
日危坐無欬側容每雞鳴卽起提醒此心使其惺惺云存夜氣
漏不下三鼓不寢寢未嘗尸也與人言依義理街談里語從不
出諸其口中和平樂易有片長者未之敢忽而儼恪自形匪僻
子望見顏色輒避匿或避不得亦踧躅自失乘間卽逸去博聞
強記所誦經書逾三四十人名地名無或訛間語在某卷某
頁某行人按之卽得驚爲神明非聖之語則絕不以寓目家貧

楊氏家乘

百十

徒四壁立未嘗一候富貴之門卽招之亦不往若將浼然色不
免於饑寒而道氣充滿常伸於萬物喜飲酒必以夕同座客素
名雅量者或沉酣叫呶獨凝然自持終已不亂人莫能窺其涯
際以此稱卽墨文獻云配祖妣周孺人恭儉慈惠機警正大先
生以爲閨中良友先卒二十五年旁無妾媵不更娶嗚呼小子
玠幼爲吾祖鍾愛日夕教誨冀稍有成立庚辰倖第歸來先生
已不及見後值泮饑拮据襄事故墓石未立然我父意亦蓋有
待今小子玠羽毛早摧恐遂闕如謹樹之表貽留後人嗚呼先
生爲自有卽墨以來徵辟一人後世宜有誌於邑乘固不第楊

氏一家傳述而已也

文

祭太原公會祖考文

天啟辛酉補入

曾孫兆鯤

於惟我祖明德其勤詩禮濟美啟佑後人孫鯤不敏邇承彝訓履矩冰兢家聲敢殞幸遇天恩叨濫公車春風北上積慶之餘雖則微薄世澤一縷松雲興思用申虔薦

祭沛令公祖考文

天啟辛酉補入

孫兆鯤

惟祖承先公之發祥蘊隆負奇世推哲賢而位不配德仕不竟遇晚乃杜門庭訓後昆冀振清白之餘輝如同望歲孫鯤不肖

楊氏家乘

五

窳弱成性不自刻勵維在辛丑我祖告逝己酉而後貧病相仍身名落拓近五十之無聞每對先靈慙焉是懼今日之事何足薦馨惟是皇佑開天作人孫幸以一日之役式沐新化得蚤貢五年而觀光乎上國聊結子衿之苦海屬青雲之望洋穆穆先澤悠悠深思我祖九原其亦歆耶否耶甯是非薄而敢殞越之哉我祖有靈其式憑而默相之孫鯤不腆夙興皇懼

祭先大人文

天啟辛酉補入

子兆鯤

惟我父見背之日迄今三十有七年追憶兒十餘齡蚤夜侍讀庭面校文如在目前緬思我父易簣遺訓囑以及時成立乃兒

不肖弗能成性視身病癩自廢負我父之明德三十年來伏臘
之不成享菽水之弗盡養兒何以爲人哉今幸遇國典彙進辟
雍兒自分無似乃青衿之末局亦我父之餘蔭也松楸拱蔚未
足榮施白日思親敬流泉壤我父在天之靈或亦下格此區區
耶

祭高祖太原公墓文

五世孫還吉

維我高祖忠孝天植友于性生鄉黨無間王國典型大節細行
靡不肫誠初官太平繼任黎城撫賊活衆武功告成賞不酬勞
天鑒則明彼讒人者曾何足名踰今百年藏在丹青爰伐山石
楊氏家乘

五

爰勒奇功名宦鄉賢受報永豐悠悠霜露俯仰何從庶幾子姓
奕世亢宗尙饗

祭太高太原公墓文

六世孫重鼎

維太高祖百世典型孝以爲子友以爲兄讓產行高嘗藥憂形
蚤掇巍科克振家聲兩仕劇邑太平黎城化洽誠格寇輯琴鳴
旨裒忠勤錫賚盈廷功高賞薄別駕纔陞罔敢怨怒猶誌恩榮
業師遠喪千里往迎祭祀必及沒世弗更忠孝友悌實雜性成
名宦鄉賢允協鄉評德厚流長繼繼承承祥發後裔甲第嗣興
重鼎
子玠
獲售己庚茲除今職將整行旌虔告墓下悽愴傷情

庶幾來格永庇元會尙饗

祭列祖墓文

元孫重鼎

維我先人罔不允迪於德亦克篤於學繼繼承承歷世十五歷年三百其在東萊卽墨世厥家我先人仕宦咸著惠政廟祀有永民思慕不忘居家并享有令名施及孫子食乃報無疆歲己卯重鼎子玠以學生薦於鄉我顯考徵君率告家廟越年玠成進士我顯考徵君返於帝鄉遂未獲昭告於列祖列宗今戊子玠除贛州府贛縣知縣并爲重鼎請封例得文林郎將往服官今虔告墓下維我先人尙克庇廕默啓乃心俾宦成業就無墜

楊氏家乘

百三

我先人令緒庶保世永久我先人亦克有榮施尙饗

祭先妣墓文

子玠

維康熙四十七年五月丙子朔越二十有一日丙申兒玠承我父封文林公命謹以少牢之儀致祭於 皇清勅贈孺人顯妣黃太君之墓曰兒之生也三十有二年而兒之得見我顯妣也僅一十有三年方兒十三年以前頑鈍無知獨以啼饑號寒忱吾母心嬰疾廢學勞吾母慮音容尙不能記憶況乃奉養况乃顯揚是母鞠兒者十有三年而兒事母者迄無一日兒之不得爲子者無論而母之念兒其何可言賴我今母孺人賦性聖善

飲食撫育迄於有成兒不知人世間無母之苦然究不知人世

間有母之樂也憶母方數歲時我外祖父母相繼卽世母卽來

我家感我祖徵士府君我祖母周孺人嘉其孝謹視同己出而

煢煢孤女飲泣何窮母十八歲丙辰始與我父封文林公合卺

倡隨逾年丁巳而生兒玠兒生而母病連生數子旣皆不育而

病轉增劇逮己巳母卒僅存兒與珣兒而珣又以十六早夭母

眞天下之苦人兒亦天下之鮮民也兒猶憶七八歲時有日者

推兒二十當入學母欣然許酬以衣帛其望兒急也歲丙子兒

果以第四名入泮宮則二十之期也而母不及見二十二歲戊

楊氏家乘

頁四

寅兒以第四名補廩生而母不及見二十三歲己卯兒試於秋

闈中式二十一名舉人而母不及見二十四歲庚辰兒試於禮

闈中式一百八十名進士殿試 賜同進士出身第三甲第一

百二十六名而母皆不及見也使母而得見母喜當何如今母

而皆不及見也兒悲當何如耶今年戊子兒選得江西贛州府

贛縣知縣并爲我父請封文林郎我母與兒今母李及兒婦陳

氏俱贈封孺人俟 勅命下頒當卽焚黃立碣用光泉壤我母

今爲 朝廷命婦矣而疇昔望兒之心庶亦少慰於九原乎特

見一行作吏春露秋霜徒增愴怵不能恭詣墓下時致拜掃矣

古人有言魂氣無所不至也母其依兒任所以受馨香大呵護也抑兒又有以告母者兒生弱今壯矣壬午舉一女百祿乙酉舉一女坤姐戊子舉一子士鈺小字二十一母之骨血可繼續於無窮矣此皆母所聞之而喜者也兒不敢喜亦不敢泣靈爽不遠其或式臨尙饗

悠然廬集序

弟還吉

始子爲童子時隨兩兄入山巷讀書蓋崇禎十一年己卯也山巷距城四十里前繞大河圍以羣峰其書舍則清風堂酣翠館他屋不過三十餘區每讀書之暇緩步溪頭或縱目後園聽鳴

楊氏家乘

頁五

禽上下見游魚往來輒欣然神旺繼值壬午癸未以至甲申戎馬蹂躪書舍荒頽率間歲不一到順治辛丑兵譁仲兄益經始山廬有攜家武陵卜居終焉之志乃於堂之東西拓地開基復架屋數椽其旁則繚以周垣後則翼以羣舍斬木於山昇石於谿卽有不給典衣以給於是拮据荼苦勞精憊慮乃不三載而見煙火籬落山之人以佃以漁出入往來皆疇昔所謂鹿麕之場也而予兄弟賦考槃詠獨宿者實始於此三兄乃題所居曰悠然廬計自康熙甲寅居山以來非歲節朝宗則終歲不一至城山之中有犢可驅有酒可飲有書可娛朝夕春採龍茅夏捕

柳葉

山中有魚曰仙胎相傳仙人將柳葉種之至今柳葉發則魚生

秋冬飽芋栗陶然兀然

非特我忘世世亦忘我誰復知南山之南北山之北果有一無懷葛天也邇來子姪輩集山居前後所作詩若干首皆清真瀟疎不染一塵三兄曰廬中人求適己意而已若其或存仍以名吾廬可也乃俾予序其端余卽吾兄命集之意以詳其治廬之始益不能己於孔懷也余年七十矣三兄今年七十有三兩兄皆未及七十而歿他年百歲之後風雨之夜或共集於山巷所謂魂魄猶樂此也

處處草自序

楊氏家乘

頁六

世人讀桃花源記往往信者半疑者半予獨謂其信也無疑若使鑿空爲之何處有武陵武陵人何處有桃花林桃花林盡何處有山口又何處有屋舍良田美池以及桑麻雞犬往來種作老幼怡然自樂淵明卽極力摹寫必不能若親見如此其云不知有漢無論魏晉漂漂乎離塵垢而脫氛埃其爲此中人語無異嗟乎風波殢燬之場乃有此遺物忘身棄智自全渾沌無懷之民乎向使武陵人卽不詣太守說太守卽不遣人往南陽劉子驥卽不以病死後之人固已處處誌之安在其迷乎余以杏花山巷之遊其爲此中人益信昨三兄折柬來招姪元鼎治經

在焉子起居自適流連數日凡雲煙朝暮花香變態無不寓之於目而寫之於手工拙在所不計還山後猶能誌其某處爲泉某處爲臺某處爲落花某處爲流水某處爲東蒙題詩處益三
四日恍然如武陵人扶路還家雖處處志之已迷不復記以二
十三日往二十九日歸共得詩三十餘首因笑題曰處處草雖
然不足爲外人道也仍以貽之山巷康熙十七年戊午又三月
初六日六謙記

記

褒忠堂記

玠

楊氏家乘

百七

維我六世祖考太原府君於有明嘉靖二年尹黎城時撫青羊
山巨寇數萬事聞於朝世宗肅皇帝降勅楊某忠勤可嘉府君
欽承休命建堂居宅東偏額曰褒忠以無忘君恩距今一百九
十年府君沒後宅歸他姓凡數易主玠所見屬呂氏今轉黃氏
矣我顯祖文敬先生嘗登味道樓北向指顧而歎曰此太原府
君褒忠堂舊址也小子識之少陵詩曰王侯第宅皆新主一堂
甚微烏足感慨蓋府君功德可垂百世是以永言不忘耳府君
以小邑令長非有鎮撫之權也皂隸輿僮非有戴甲之眾也起
家書生長槍大劍非其所習也流寇鴟張越在異境又非部民

赤子也徒用區區恩信單騎出入於層巒疊嶂之間擾龍蛇而馴之豈復有身家之念動其意中哉而宵小讒忌幾毀成功四年之間崎嶇數往卒定方州尤難之難者明世守令著有軍功或特擢巡方超遷兵備府君忠勤備至僅陞別駕賞不酬勞志士寤歎顧眷念君恩建堂以示不忘此其忠愛惻誠將僅功名之士而已乎蓋嘗循其本矣孝者百行之原萬事之根柢也府君事親純孝至讓產以悅其心親沒之後建瞻雲樓於南莊風晨月夕憑欄東眺覩三標諸峯慨念邱墓流涕嗚咽抱窮人無歸之感終其身故三百年來維孝維友推東萊首出載諸郡乘

楊氏家乘

頁八

其本立也尙書君陳篇曰惟孝友于兄弟克施有政尼父告會子曰君子之事親孝故忠可移於君子臣無二分忠孝無二理也嗚呼此褒忠堂之建所自來乎士君子立身制行遇合固有數而修德則在我嗟我後人能以府君之事親者事其親卽伏處草野沒世不獲一試亦具有作忠之基儻風雲際會出其潛德鬱爲國楨寧碌碌焉無所表見於天下以仰答朝廷之嘉賜庶斯堂之復構也若夫宅宇遷移不過高岸爲谷深谷爲陵而已矣何足道哉何足道哉記之以俟後之志於忠孝者

承桂堂建於隆慶三年戊辰實沛令公發解之第八年也於時
丹桂重攀丕振先緒爰作軒堂用昭盛事厥後游登仕版精白
乃心一杯江水兩袖清風未有餘貲再營棟宇獨留斯堂貽於
孫子歷年一百四十有餘矣東首一室藏主樓神是用孝饗歲
節元旦懸像中堂愾聞慢見萃合族心或婚嫁大故嘉賓式臨
肆筵命酌於焉成禮長夏溽暑門內子弟布席展書共借微涼
以勤諷誦類一族之譜亭豈僅楊氏之老屋而已哉公之遺澤
定庇五世以下也顧歲月滋深風霜久歷烈烈飄風瀟瀟靈雨
敗乃椳櫨剝其垣墉仰瞻堂構摧頽是懼癸甲之間羣從兄弟

楊氏家乘

頁九

共謀修葺乃舉社約儲財以待家故清貧蓄積無幾三歷寒暄
未克鳩工越在己卯祖宗餘蔭裔世重光玠之不敏獲步其武
桂樹一枝更見婆婆先王父文敬公眷懷先緒慮或顛越集我
伯叔兄弟議成斯舉無不欣喜踴躍爭先恐後工匠之餽或輟
朝飧陶甕之值或罄在笥朝考夕督僉同己事破損者更朽腐
者易漫渙者塗曾不匝月而百年舊廬煥然一新不止風雨之
攸除忽覺輪奐之改觀矣於是懸弘治戊午報捷於東楹嘉靖
辛酉報捷於西楹康熙己卯報捷懸於其南升其堂者歎世澤
綿長書香煥發慨然見故家之風焉斯舉也非協不興非和不

成既叶且和雖貧彼寧爰及戊子丹桂再榮子孫之福祖考之靈敢述茲事用告後生勤讀書史和處家庭黽勉同心毋墜厥聲庶折桂之圖繼繼而承承壬辰七月十九日記

附承桂堂舊聯

貢自宣德己酉成化戊子己見冠裳榮奕葉

科起弘治戊午嘉靖辛酉更宜黼黻耀巖廊

詩

鶴山 以下五首武邑公作補入

釀雨曉雲去山峰遠出頭錢生苔徑滿琴聽楚溪流把酒舒長

楊氏家乘

百千

嘯逢君快一遊仙人遙指處霞遠是青邱

上苑

上苑蟠松陣半山宮殿森嶙峋深石洞爛熳疊花簪峭壁文苔篆巉岩曲鳥音仙人橋下水聲響洩鳴琴

遊華樓

南山常作夢中游此日登臨是夢不金液翠屏隔塵世清風碧落眞蓬邱谷口長松起寒籟雲際懸泉鳴素秋東望仙人杳何許聳身欲作餐霞儔

其二

登山興劇塵心爽坐對山光樂轉陶泉水流香丹竈冷峰巒插
漢石樓高雲霞渺漫窮三島黃白有無盡二勞試覓丹陽靈藥
餌人間名利等鴻毛

黃石宮

山巔一醉醒百慮真忘絕虛白映松窗危峰吐殘月

遊泰山

以下十五首太原公作補入十三首

朝登太岳望蓬萊映帶斜陽尙未回一路草香都是藥滿林樹
老盡生苔浮雲似水流將去怪石如人立起來幾度叮嚀語童
僕等閒休上捨身臺

楊氏家乘

五十五

其二

日射金門紫氣浮氤氳煙霧一時收眼空海宇無窮處身在雲
霄最上頭雨漲寒流清澈玉風驚落葉亂吟秋我來不負山靈
約勒石題詩記勝遊

其三

萬重煙樹萬重雲今古巍巍石自尊四面好山朝日觀一溪流
水落天門我慚作記非王勃人說題詩有許渾回首忽驚歸路
晚滿身清影月黃昏

其四

回雁峰頭望故鄉一心遙逐暮雲長十年宦迹渾無定百歲人
生空自忙痛飲海能消酒渴朗吟天不怪詩狂英雄一去成千
古留得殘碑卧夕陽

其五

行止巔崖第幾層一層擁出翠雲屏氣吞平地東洋海勢接遙
天北斗星願復明堂典禮樂載歌磬石頌朝廷山靈夢入蓬萊
去擊碎秦松呼不醒

丁丑仲秋

瑟瑟西風吹雨晴可憐佳節在邊城百年人有幾時健一歲月

楊氏家乘

三三

無今夜明撫劍不堪傷往事舉杯空自惜離情君恩未報頭先
白贏得轅門說老成

閏九月九日

風煙漠漠樹蒼蒼節序驚心倍感傷百歲幾回經閏月一年兩
度見重陽菊於秋暮那堪折人到老來猶自忙無限憂懷吟不
得胡天霜冷雁聲長

燈下獨酌

獨對寒燈酒一杯天涯誰與共徘徊將來世事應難料已往年
光去不同老景漸成雙鬢雪虛名已覺寸心灰故園花發春無

主惆悵東風幾度開

朔州道中大風

大塊茫茫噫氣多不知消息欲如何江東曾與周郎便沛上徒
勞漢祖歌平地有山皆走石半空無海亦翻波何當送我雲霄
上試把青天一說麼

秋

西風黃葉又經秋足迹何時得暫休萬里胡天雙倦翼十年宦
海一虛舟炎涼世態誰青眼辛苦人生自白頭贏得兩肩吟骨
瘦天教收拾杜陵愁

楊氏家乘

頁三

登雲中城角樓次古人韻

漠漠雲煙及暮秋偶來城上一登樓青山不管古今恨白日空
懸天地愁誰有雄才能破虜我無奇骨可封侯盡將十五年前
淚灑向桑乾水共流

次郭克清韻

閑臨流水靜看山樹底飛雲手可攀綠野舊開田二頃黃茅新
蓋屋三間春殘花徑何曾掃月落柴門尙未關有酒便當呼一
醉青銅無處覓朱顏

端陽

角黍堆金酒滿壺喜逢佳節泛菖蒲門高不礙齊公子江濶難
尋楚大夫昔荷聖恩頰彩扇今隨鄉俗佩靈符豪華爭剪寒皐
舌誰向山頭問鳳雛

田册偶題

僥倖登科託祖先自家治買地連阡因知孔子兩行字不受前
人一寸田父宅祖園全弟業南莊西滙付兒傳後人珍重須常
守常守良方節用錢

又題絕句

治買田園爲子孫當年費盡萬年心不知後代人何似賣了田

楊氏家乘

頁四

園細使金

太平宮

以下四首載軒公作補入三首

三月春將暮重遊覽物華雲開山見骨潮長海生花嫩竹森寒
玉天桃燦曉霞塵間無此景知是羽人家

和鍊菴弟立春原韻

應律吹噓起自東亭臺遙望曉矇矓魚鱗細砌溪流碧桃瓣鋪
腮酒潤紅庭草漸呈君子樂風塵知是大王雄癡魂醉入蓬萊
境遊遍東皇第一宮

次鍊菴弟韻

曉問東風有幾何，速回生意莫蹉跎。冰開雷動潮聲壯，雪盡梅肥景色多。綠蟻倒樽徒擊節，白駒飛箭莫驚哦。年光祇恐成花露，無法堪除此病魔。

夢中餞鍊菴弟會試

北上金臺試再遊，寒風長劍傲羔裘。文章好對重瞳策，手段期修五鳳樓。須竭忠良光帝業，莫營富貴立身謀。他年白髮歸來日，琴鶴從容樂更優。

效陶體

以下十三首沛公作補入十一首

平生愛邱壑，邱壑足良謀。耕田事衣食，讀書自春秋。一朝塵網

楊氏家乘

直圭

縛那能得自由游，魚思舊淵鳥倦深。林投人生適意耳，宦海不可留。乃攜琴與鶴，拂衣歸故邱。松菊雖已荒，心事良悠悠。不羨軒冕榮，不負林泉幽。興牽九節藤，走向田園遊。草坐泛尊酒，自斟還自謳。倒傾壺已乾，西風來颼颼。醉矣宿村居，我心逸且休。行樂天宇間，棲止予何憂。

其二

我有一株松樹在池之旁，手攜一壺酒來就松陰。涼清風松裏來，音擬琴韻揚。酒對松風飲，陶然萬慮降。松爲無絃琴，心與松相忘。襟爽酒量開，不覺入醉鄉。枕卧松根睡，一夢到羲皇。睜眼

忽大叫兒童笑我狂起復酌尊酒長吟送夕陽

弔卽墨古城

寂寞荒城裏當年霸業非軍聲喧鳥雀雲影過旌旗草木空棲
野山陵亂布棋古今消息事能有幾人知

春日至雄崖道中

一徑遙從谷口通隔村隱隱見荒城波平海上無烽火將老胸
中有甲兵身拂澗雲穿澗水眼看潮落又潮生陌頭柳染藏鴉
綠島嶼漁舟絡繹橫

流離歎

楊氏家乘

頁夫

壬午歲全省大旱平陽西山七治尤甚春夏流移載道
不絕六月十有七日一夫攜妻子自石樓過吉山之麓
道旁憩坐聚泣移時下崖底村落以故衣得米半升和
菜根煮粥既熟夫含淚默默投毒釜內先分給二子與
妻食之既食大哭抱二子口搵雙頰數回途人有問之
者強白其略頃相繼而死其不能顧之意戚戚也余隨
禱雨出郊目擊其事慨歎良久情怵不覺淚下蓋寄食
異鄉值茲荒歉深有感焉嗚呼古人云民有菜色今將
併其菜無之矣欲生全得乎矧茲特一見言之耳晉中

餓殍可勝數哉因代賦古風四十韻紀歲凶云曰流離
歎噫嘻司民社者又不知何如爲情也悲夫

家住西山年復年山牛兩角耕山田朝昏妻子饔飧足不欠官
家租稅錢門無豺虎橫征噬夜夜窮檐安枕眠婦織夫耕兩相
倚謀生樂利依堯天祖孫異世相承繼太平時際慣攸便去歲
驕陽流遠害今年早暝仍依然山中一苗不復見日當天午石
欲然粟無斗儲飢莫療釜甑塵生蛛網懸貧家囊底無黃金縱
有黃金難下咽一村十室空九室棄離桑梓尋生延襁負悲號
莫可數老羸絡繹行不前踣蹶道旁不復起幕天席地眞堪憐

楊氏家乘

頁七

父子相看不相顧嗟嗟終爾生難全移家行李肩頭負經憩吉
山巖半麓山村移米僅勺餘菜根挑得炊成粥大兒十歲能拾
薪小兒赤身歲方六望餐匍匐呱呱啼急欲得之一充腹默將
毒下釜中調不與妻言總無育碗底盛來分食兒猶奪幾番欲
傾覆拊膺扼腕一飼之大叫不如身就戮並抱兩兒口欲啣摩
挲輾轉吞聲哭須臾僵仆兩不言夫婦從之亦瞑目不忍分拋
散四方不忍引向豪家鬻不如一死赴重泉餓魂死守猶相睦
此情曾與途人言載道爭傳野史錄嗚呼流離苦眞可哀至今
白骨半騎黃塵埃眼底未逃多少思逃去飢餓未死欲死心安

排百姓千瘡萬孔膏脂竭催督邊餉猶自日夜羽檄交馳來觀
風使者濟世才文謨武畧蟠且堆何當爲悉斯民瘼草疏飛奏
黃金臺九重宮殿闔開田租詔下寬民懷更爲手挽三江水
洗却而今三晉災在在澤中鴻雁集坐令國本從茲培維本孔
固維邦寧晉中歲歲登豐稔不上流民圖與形丹忠耿耿磨蒼
冥留照千年汗簡青

憶藍北泉

萬柳參差眼未開東風惆悵一徘徊採蓮舟在人何往釣月臺
空鶴已埋有恨沉文狗未去無騷可比賦歸來此情非爲先生

楊氏家乘

頁天

惜吾道終屯實痛哉

寄懷藍左泉

郵亭憶別嘯天高轉轂東風又小桃千里故人遺海岸幾迴清
夢到江臯催科撫字君爲最黃卷青燈我獨勞技學屠龍憐抱
拙半生踪跡尙蓬蒿

瑯琊臺

海上孤高險勢多秦皇漢武盡消磨路旁青草思空輦壇上春
風和客歌史册有文流歲月苔碑無字任摩挲蓬瀛不見空搖
首島嶼生光起白波

岳武穆

草堂掩卷細追論
槍賊天生意自存
藝祖勞心營社稷
太宗何事繼兒孫
癡謀堅聽和戎策
白戰空懷報主恩
假使將軍能靖難
崖山何日弔冤魂

出沛暑沛人擁留感賦

士民何事苦相留
攀卧衝寒鎮不休
籲地呼天聲滿路
百千童叟淚盈眸
陳疏伏闕羣情合
肖像營祠衆誓謀
自檢當官無善政
一心但不事誅求

城隍廟拜辭

楊氏家乘

頁五

攜鶴明朝歸故國
焚香今日拜神祠
蒼民雖未聯三異
守己常懷慎四知
人誤意時人自議
我無私處我何詞
世間月且無憑准
此去惟神一鑒之

中秋哭載軒兄

浙浙秋風掃暮雲
碧天月色望中新
蟾蜍空落團圓影
庭榭惟餘惆悵身
對月攜樽愁更切
懷君揮淚莫徒頻
可憐明月還依舊
不見年時賞月人

其二

晦羽亭前對月眞
思君對月獨傷神
那能邀月千鍾飲
誰復狂

吟百首頻醉與山公會結社貧過原氏未懸鶉而今餘却揚雄
宅寥落門前問字人

離京

以下六首雲和公作補入

捐軀誓報國攜策竟違時滿眼兵戈淚一腔骨肉思霾雲聯北
塞殘日黯東陲旅邸無窮恨難將魂夢吹

三兄讀書大勞觀春日携友過訪

春明携友伴迢遞入仙壇水繞蛟龍窟地當虎豹關風過千樹
雨月照萬峰寒銀燭運青夜清音响暮山

亳州李公子邀賞牡丹

楊氏家乘

頁三

王風大雅今猶在帝里光華日漸新爲放清觀開綺席相將觴
政傍花茵煙含織色留餘態露綻秋妝帶遠神況是御龍緣有
幸春風遲去馬蹄凌

其二

高士風流久擅奇徽園今日愜吾思湖山倒影牽春藻松徑流
光照晚枝花已醉人何用酒情緣戀主更宜詩我來薄宦多塵
事解取天香落雨時

東崖書院中贈秀之丈

絃誦誰堪繼藏修爾尙親荒臺餘舊草古屋卧文人洗硯雲煙

動吟詩月色新寂寥知不苦堦下有松筠

其二

誰識東園興蒼松掛薜蘿新成嬾叔夜還似病維摩世遠亭臺
古林高鳥雀多獨憐莫逆友幾日一相過

中元無月偕飲有感

以下四首見素公作

日月跳何急乾坤笑轉蓬生涯草上露浪跡水中萍一劍橫秋
色千盃對短檠嫦娥不解意今夜向誰明

大勞山留贈宋道人

大勞深處訪仙家雪裏逢君興最奢藜杖千山揮朔氣篝燈午

楊氏家乘

三三

夜讀南華神隨龍虎遊天外身侶魚蝦在海涯日後丹成朝玉
闕誰從此地問煙霞

漢天子塚

道旁古墓半分崩傳是當年漢武陵山野黃雲久冥漢仙丹白
日未飛昇牛羊向晚還嘶草狐兔穿穴好避鷹萬歲蓬萊宮裏
月荒涼夜夜掛枯藤

望海樓獨遊

碧海青山抱一臺祖龍曾此駐徘徊神仙東望終成夢旅櫬西
歸何處埋古砌苔衣經雨綠寒空雁陣逐雲開賞心翻到悲來

極落日秋風畫角哀

余幼時從 大人遊宦浙中留宿黃花鎮今南行道復經

此感懷 以下二首孝義公作補入

憶昔曾經此地留不覺今過三十秋當年山河猶未改膝下音
容何處求童顏期許誰復問白髮而今學浪遊偶渡黃花傷往
事暗濕征衣幾淚流

望靈山島

大海蒼茫接太虛偶來野客探明珠揚波今日風偏急擊楫中
流興不孤白鳥翩翩天上落青山隱隱水中浮好同漁父扁舟

楊氏家乘

頁三

去棹入滄浪問卜居

寒食獨酌并柬華西 以下四首大復公作補入

客裏逢寒食天涯別故人風吹花已爛春暮柳偏新余作他鄉
客君爲旅舍賓倚欄頻悵望濁酒惜芳辰

種菊

久客還栽菊索居無奈何消愁憑酒健惜別仗詩魔壯恨身名
晚情緣泉石多故園三徑草秋老沒藤蘿

再遊泰安望岱

岱色凌空翠欲流遙瞻瑞氣萃神州捫蘿憶看匹練影倚杖曾

經萬壑秋秦代封書留半碣漢時祀典委荒邱重來媿我無佳
句歸去雙勞記盛遊

夏日憶承桂堂垂柳

草堂柳色自依然夢裏條垂海石巔炎暑濃陰簾不捲月明積
水荇疏牽新春啼鳥風前舞初日晴雲雨霽煙別後風流應復
爾莫教張緒擅當年

擣衣

以下六首彙征祖作補入四首

西風吹木葉凜冽當檐飛霜寒遊子苦如何久不歸篋中有素
練堪爲製征衣日暮碯聲發哀響動空閨寒雁鳴長夜明月照
楊氏家乘

百三

山居除夕

孤幃寸心萬里餘寧知中心摧遙度衣長短忽憶今瘦肥持刀
未遽下此情爲依依

憶二兄遊河南

黯然漫想當年事六十餘年如夢中午夜論文慚不寐一區種
豆笑成空老來短髮如霜白病裏衰顏借酒紅竹葉椒盤渾忘
却一燈相對響寒風

何曾爲遠別忽作隔年離雲樹遮南北夢魂逐洛湄寒風吹雨
暮明月照人時邇來思更切庭院柳絲絲

得二兄書

一雁冲霄下遙將洛浦書
緘開悉客况讀罷慰離居
計發梅初綻到時春已餘
烟縈芳草路應好理回車

春日雨際寄四弟

山色連朝黯不開陰雲漠漠又重來
一春強半妬風雨三徑偏能生蘚苔
蘿壁無人留鳳字空庭有鳥下寒梅
夕陽欲墜孤邨遠悵對遙天看雁迴

四弟歸城後漫賦

省我入山留七日柴門相對樂松雲
談詩每及夜將半把酒不

楊氏家乘

夏西

嫌璣十分萬樹杏花飛白雪一溪草色動霞紋
如何又向塵中去一任春巒映夕曛

寄浙東柳秀才

以下三十四首文敬公作

巖巖雲邑于越之鄉昔我先君來吏此方此方孔亟人戶流亡
先君曰咨孰政使殃勞之祿之歸唁故鄉田有新畬步有新航
輿人作頌比美循良豈曰能牧不忍或戕倩倩公子名振膠庠
有來至止援琴命觴譬彼薤水更治爲光哀我先君無祿河陽
公子重義館我東堂哭奠江干存歿悲傷龍帳北歸公子子襄
臨歧解贈慙無越裝明德式佩二十餘霜日月而徂南北蒼茫

路遠莫致川廣無梁何以報子唯此難忘

秋日送大兄遊臨安

子丙申秋送家大兄遊臨安日久稿不復存向在掖水羅文何齋中見扶

輪集本偶載此詩不知何人

以之災木因爲錄出

旅雁下寒汀蕭蕭木落聲忽結雲間想因而越中行越中山水
郡餘杭擬帝京昔從先大人薄宦縉雲城晚泊孤山下遙愛湖
水平朱樓三十里臨水半盈盈烟中繫畫舫來往聞歌笙娛目
未及畢解纜忽前征記遊方如昨問世代倏更不知堤上柳長
條復藏鶯偏安多伏豫十載此銷兵別時初泛菊到日已霜橙
青杉鄂祠冷殘雪斷橋明舉目風景殊離家骨肉情塵網脫羈

楊氏家乘

頁五

鬲旅夢歎逢迎暫作五湖長莫辭千日醒歸棹及臘月流澌候
春冰

寄家仲兄時遊中州

離思常掛夕陽前聚首難憑祇淚沓亂後名園遊洛下愁來公
子憶秦川書傳鴻雁人千里草漸池塘夢各天總是故鄉豺虎
徧不如攜手臥雲烟

二月十四晚閱諸子課畢題壁

兩年步盡空山月一榻常驚半夜鐘誰是烏衣佳子弟比來開
口望胡封

示諸子

青山當戶亦悠哉白日如流老漸催寄語諸郎須努力秋聲夜
夜迫人來

寄銘鼎姪

我在山中常念汝祇因失怙廢居諸向來羣從親燈火何日重
來讀父書

戊午正月初三日夜夢在山得寒江雨雪三冬色閉戶雲
烟一卷書夢中謂此地無江不如易一山字輒醒因足
成之語且法鼎諸子入山見節命文鼎錄出以寄三兄

楊氏家乘

頁三

豈以春草將生故發是夢耶

寒山雨雪三冬色閉戶雲烟一卷書只此終年無別想忍冬藤
下愛吾廬

戊午子於五月七日應 命北上小李邨橋北別法鼎元

鼎和鼎銘鼎諸姪

依依倚別筵送我立橋邊古墩來下馬徒步道我前濺濺流水
聲夕陽隱半天含淚欲有語氣結不能言豈不懷良策恩誼篤
纏綿揮手謝之去回望亂蒼烟惻惻何爲已千里逝幽燕

劉家莊北別次兒重鼎

亭亭日當午臨歧倍躊躇不得發浮雲爲我阻驕陽方炎
赫秋風生路隅叮嚀欲開口含淚轉歛歔團欒處弟妹几筵念
勤劬而我千里外此心何時無欲語不得盡百感亂煩紆行行
難爲別重爲立斯須

別大兒文鼎

別子於何所乃在黑虎泉流水方汨汨城郭澹朝烟追隨涉膠
水僮僕各周旋行李及翰墨日夜爲糾纏臨歧我當發將歸爾
何言開口欲有語淚下已濺濺弟妹各幼小况復對几筵事以
隱忍勝勿以躁動傳於人多善悔於己乃無愆小宛兄弟賦葛
蕭諸父篇行誼未可虧文采亦所先勿以居憂日而忘立志年
常如侍我側勿謂我遊燕比來欲語子一一未及宣爲長心易
憂途長慮更煎立馬隱不見掩面爲辛酸

寄長兄

索居常苦寂禤居常苦喧不如治數畝樂志在田園出城二三
里先廬有載軒高臺雖荒蕪溪水日潺湲種瓜依河岸引水爲
通源瓜田應已熟插籬補短垣手携諸童穉來去已忘言日暮
聊止宿此地卽丘樊相望不相及歸思忽煩冤

寄山巷三兄併諸姪

山巷月夕佳一水邊前邨老槐十餘株綠陰盡當門農人雖有
事出入必相存有時較晴雨列坐古槐根槐葉密如蓋槐實已
可吞忽忽疑風雨豈復辨朝昏我雖在長安日夜念諸昆安得
守山巷共讀且討論終夜不能寐未明苦朝嗽笑爲朔臯誤待
詔來金門

長安多英游文字乃出頭昨見劉季木弱冠美無儔隨學來京
師日夜志前修綆汲深井靈源飛潛虬謂予復偷安歲月忽
已適愔愔項武林戢景入比邱過家不復入清思抱雲流破的
乃一發凌厲志千秋富貴涉安樂貧賤躡饑憂二子殊不然困

楊氏家乘

頁六

學固當謀馬蹏踏槐花努力擡高秋餘子各自勉慎勿浪悠悠
戊午八月予被徵入燕姪法鼎元鼎宗鼎同赴歷下應

秋闈思而不見遙有此寄

諸子聯鑣赴壯遊并提三尺割鴻溝銜魚誰繼關西業挾策還
空冀北傳文到揮毫須快意場餘暇日好登舟當時并集西橋
下猶記輝輝月滿州

百年清白重家聲戊午重逢望一經折桂圖傳藏月窟釣鰲路

近傍東溟空山夜映霞城彩老樹雲流竹巷青寄語諸郎須努

力好馳逸足躡先型

予高祖登弘治戊午鄉薦折桂圖至今猶藏

得銘鼎姪家信云來德念孫各勉學詩以勵之

提撕勿負汝兄賢聞道秋來自勉旃最怕家貧又廢業宣城幾

世守研田

古人云地瘦栽松柏家貧子讀書宣城祖迨子七世及汝入世矣可勿勉承家學以圖自立

樓頭夜靜雁飛天樓下秋風一灑然試向東閭尋墨帳傷心重

讀蓼莪篇

和答三兄并寄懷大兄 有小序

忽更黃節仍客燕雲落葉半牀黃花滿屋名爲野人之

家實則愚公之谷懷鶴原而不見卽越吟以興思輒依

來韻再寄山中

楊氏家乘

頁三九

十月寒花蕊尙黃薊門作客變星霜君王日給太倉米只爲東

方說餓腸

紅葉山山粲錦雯黃花秋老正含芬一心晝夜隨流水昨日開

函見嶺雲

臘月十九日燈下憶西園兩弟暨南莊大姪因寄

留滯長安未有期戍樓夜夜動歸思西園諸弟別來後只有清

貧似舊時

誤人貧病是蹉跎百悔如今却奈何莫道天涯能棄擲勸君春

日一揮戈

老困文場年復年幾番入殼幾堪憐
天教墮盡英雄淚雪夜西風買酒錢

攜家小築意歡然十畝城南負郭田
勤破利名成一笑山桑手植待蠶眠

寓青州寄望孫并十德兒庶朝夕知儆

我居青土忽已兼旬惟念小子勉哉成人
黎明起誦句讀要眞握管寫字點畫停勻
行步端詳言語雅馴凡諸戲狎絕無身親
孳孳不已德進日新嗟爾小子聽此諄諄

甲子正月二十八日雪夜三小孫燈前娛飲醉中放歌

楊氏家乘

百早

春燈灑灑粲生華晚來風雪紛交加樓上柳絮隨風舞風中不
辨桃李花稚子歡呼爭拍手老夫對鏡興亦奢兩雛扶案捋我

鬚

上孫瑞孫時各周歲

一雛捉筆亂塗鴉

望孫八歲性好紙筆

人生樂事豈易值笑

語喧喧兩部蛙憶昔門閭陰種德似見瑤環蘭茁芽覓飲立可
傾一石家釀卽盡更須賒急呼銀鹿趁快足夔夔嚴鼓將搯
不然酒盡興未闌樽前辜負手八叉記取他年雪夜曹騰醉

眼圖龍蛇

乙丑四月十四日雨中偶示望孫

寒風淒雨朝糞暮鹽千年人物畫粥糞山咬得菜根無愧聖賢

不怨不尤立志孔堅倚嗟小子勿忘艱難

余丁卯在都門望孫以書來索馬駒云予曾許過笑有此

寄

汝是吾家千里駒書來索駿更何需定須鳴向天街去逐電追
風好並驅

丁卯十月二十七日宿河南朱仙鎮聞雁懷伯父朱仙鎮

南去開封四十里周圍數里許烟火數千家街中長河

往來賈船無算兩岸蓋積貨所也文宿是鎮終夜喧譁

不能成寐聞雁聲淒其因懷伯父遂成四絕聊誌他鄉

楊氏家乘

五十一

孺慕之意工拙不計也姪文鼎識

老來無事戀山莊翠竹蒼松共歲長寄語飛鴻過赤壁爲言有

夢到高堂

十月霜風氣漸涼柴門半掩坐斜陽遙知撥火煨芋栗應念阿

咸在異鄉

聞道如山猶未回西風黃菊帶霜開臘前遊子東歸日好借花

香進酒杯

久羈他鄉做客裘風塵碌碌復中州回思羣從圍爐夜燭盡更

殘猶自留

修武邑祖墓 以下六首健齋公作

康熙己卯春祭見墓後爲山水衝缺鳩工修之敬書俚句以示後人

奉先思祖德霜露轉淒然清白推前業

碑陰有清白史墓四字

寅恭紹世

傳人心皆不死我意自纏綿封樹真難已還將望後賢

敬宇來歸紀事

大孝敦宗族聖賢講親萬殊皆一本溯源血脈真吾家來秀水始祖道德純宋初典教授筮仕膠水濱遷延未南返遂爲卽墨人卜居靈山下畎畝樂安貧數傳至玉祖

三世祖諱得玉

孝友篤天

楊氏家乘

頁五

倫伯祖軍籍老更代忘厥身遼東去數載念母多酸辛還家遺兩子竟作三韓民至我武邑祖有字寄諳諳沛祖再登科遼東一問詢貂裘將敬意地遠自通神迨至明季亂音問漸沈淪不圖康熙初復得見忠心忠隨督師東海來遊巡云出卽墨楊故里勤訪尋我父方卧病伯叔皆馳臨問之實一脈相對情不禁忠心有賢母母儀實可欽爲語至卽墨細訪楊家林祖居城北垣密邇靈山岑世次雖不憶傳說到於今陳像方展拜淚下已霑襟卜闡得九世壘簾叶我音

自三世祖至我輩九世

上堂拜伯叔禮

誠而意惜少長咸聚會骨肉真情深嗟哉三百年莊舄復越吟

明朝長別去魚雁杳沈沈援筆記此詞惟恐歲月侵

頤署觀焚黃紀勝

笙歌繚繞滿華堂烏鳥私情欲斷腸惠邀九重丹鳳詔肅將三
獻白雲鄉敢言子職償心願聊借君恩慰母望地下有知應一
笑且看孺慕舉焚黃

玠姪纂修家傳成喜賦

三十年來志表揚何人協力闡幽光蹉跎歲月人將老閱歷冠
裳世正長祖德休明憑赤管孫謀振發啟青箱始知清白多高
致積德先疇累宦囊

楊氏家乘

頁五

得大人手書

以下玠作

長安去家二千里親舍迢迢傍墨水常時登高望白雲每恨不
向乾封起昨日蒼頭去復迴平安接得書一紙開函墨蹟宛然
新溫清雖隔精神邇自昔君父尊則同豈必天章頌可喜欲向
紫禁問東坡袖底驪珠孰如此親心子心一氣通子心摯寧親
心比却想蒼頭到家時如見人間歸黃耳

得族弟赤城翰林道說家世喜而有賦

赤城名標平湖
籍丙戌翰林

衆木皆有本衆水皆有源派別枝葉分本源不可混令弟浙中
才瀟灑含精神問年纔弱冠已入金馬門長安乍相見欲避高

人軒坐邇溯家世乃是一祖孫余家本秀水素作皇唐民宋初
我始祖官卑道則尊膠水署教授地與卽墨鄰解組未南還結
廬靈山根傳世百餘年子姓頗云繁歲久滄桑改世變譜牒燿
名諱竟莫考行次安能論烈烈管勅公筮仕在大元賢哲紛繼
起詩禮貞邱園以此爲一世聊以傳後昆五傳至武邑六傳至
太原科貢旣奕世堅白無緇磷太原更孝友讓產蘄悅親單騎
服巨寇聖旨褒忠勤鄉賢與名宦崇祀不間言七傳沛令公逸
才實高騫著述埒身齊筆陣雄萬人小儒涉其籬傾壓勢崩奔
至今鄉里間屈服如方新吾祖所生父歷仕德政醅處毫餘去

楊氏家乘

高西

思民庶涕霑巾象賢得吾祖文學迥出塵歷仕盡高等北闕來
蒲輪言歸卧邱壑守道安清貧大兄推孝義三兄甘隱淪二兄
沒差早收族希希文親戚羨友恭謂有古風存我父亦大孝温
清恪晨昏柔色將真意娛親終其身至余十二世歷世三百春
族大衆千丁散處各紛紜元辰朝遺像長幼皆雅馴陶陶共笑
樂不辨城與邨因念所自始隔絕浙江濱譜散源流失欲叙奚
所援且恐有他楊參錯成汶汶弟言我非他應是一本分嘉湖
諸同姓豈不多朱輻往往新占籍先世無所聞獨余唐舊族源
本猶可循松竹與梅桂四支炳麟麟祖宗應有靈聚會非無因

語畢同泣下拜跪不敢蹲五百有餘歲恍如共椿萱風俗日偷
薄家庭或涼膺骨月爭錢財叫叟等越秦同產時有然疏遠誰
爲詢吾弟誠古道我亦非時倫殷勤傳兩地孝友須同敦

聞仲玉兄領鄉薦喜賦

先德培原厚高名復有年三冬窮綠字萬選值青錢久屈才偏
老新磨色自鮮桂花香影裏騎馬正翩翩

洛誦幾年同聯翩到蕊宮三秋花再發萬里氣猶通名德遵先
路雄文奪化工贛江江上客長笑向東風

十甫伯文山叔同歸

楊氏家乘

五五

天涯骨月喜經過惆悵新來別緒多宦橐不堪壯行李愁思何
事湧江河孤帆影落寒潭遠斜日風生逝水波到日故鄉相問
訊爲言雙鬢已成皤

送衡玉大兄還鄉應試

西園春草正芳菲却設離樽爲送歸君自蘭舟朋友好我憐冰
署弟兄稀征鴻遠度沙洲冷巢燕孤眠野巷微把酒殷勤無別
語荆花願作桂花飛

燈火連床十許年兩人羞著祖生鞭

余薦己卯仲玉兄薦戊子

元方偶落季

方後大宋終居小宋前萬里層雲知勃勃一江春水正涓涓秋

深好寄蟾宮報慰我離思落日邊

辛卯五月八日遙壽家大人四十韻做元白體

夏至薰風普天中旭日長榴花紅吐燄蘭草碧生芳雨霽濃陰

却雲開淑景揚

時久雨忽晴

雙江欣節令五嶺美辰良遊子滯南國

嚴親留北方關河千里隔溫清四時荒此日逢初度當年賦弄

璋翠龍盤寶髻紅線著文房

大人生時祖母夢翠龍盤髻出痘時王父著紅線草

肅肅寒

松館軒軒承桂堂姻親齊致祝弟姪共稱觴煙裊成鸞鶴屏支

見鳳凰

去歲大人在署穎紳士製錦爲壽後寫五倫圖鳳凰鳴鶴鶴鴛鴦黃鳥也

麝旆翔籥簞階

砌奏笙簧朱李沈清水黃瓜浮碧湯冰壺成墨露玉盞瀉瓊漿

楊氏家乘

高天

舞影婆娑亂歌聲宛轉颺酒闌歸曲院月出轉迴廊遶膝皆縈

女齊眉有孟光次兒名絳漢

琛小字

幼子喚霖郎

璫小字

壁藝伏生

授

余家傳治尙書

斑衣萊子裝從容嫺禮數俊逸富文章執爵歡如醉

牽裾喜欲狂遙知顧之樂懸憶悅而康昨歲官衙裏今朝綺席

張梨園來十部蒲酒飲千觥祿養沾天澤純禧錫上蒼烹羊滿

閭里製錦出膠庠戶外羅車馬堂中列珮裳皆言君子壽同拜

丈人行史奏德早聚人傳和氣翔板輿回故國墨綬繫他鄉軼

掌因王事遲迴困宦場晚歸常戴月蚤起每披霜徒切趨庭意

難伸祝哽腸望雲擬狄老迴馭愧王陽目極華樓頂神遊滄海

洋未隨紫荊隊同仰大椿旁黃耳書曾遣青衣行自忙遣僕子蘇參歸
奉酒醴之資計到矣到門心豫快發簡意相羊兩地精神健千秋第祿昌
携孫遙拜手忭舞慶無疆

二伯父壽 以下二首標作

新承綸綍荷龍光雁序翩翩薦壽觴海外鸞笙隨日永家傳琴
鶴煥天章憑將玉笈三山記好獻瑤池七寶牀自是竹林多逸
興岱宗千尺色蒼蒼

送承玉大兄之官贛縣

出餞城西醉綠醅望中驛路錦千堆花明映徹雙江水琴韻彈

楊氏家乘

高七

從入境臺蚤識仙鳧飛鳥到爭看萊綵倩雲栽獨子夢入池塘
處迢遞天南萬樹梅

寄士鈺弟 以下三首温州公作補入

愚兄守候京都又近半載今奉有新例降調者仍准考
選雖機會頗順第一時未獲補缺爲可憾耳吾弟邇來
奮志努力學業當必精進秋闈一舉不能不有厚望焉

聊賦七律以示相助之意云爾

明遠樓頭月正圓秋光萬里共嬋娟桂枝欲待何人折蟾宮須
推國士先漏下三更追妙想燈前七草詠新篇遙憐雁羽參差

影可得飛鳴向碧天

送四弟之任南靖

海天相望望南漳此去閩川驛路長
曉夜風霜爲報國消除瘴厲莫思鄉
到時自有飛珠現歸日須留解珮香
握手臨歧無別語由來殿最重循良

聞二弟題任建平適四弟赴官便道往視因賦寄

南碕湖水自冰清今日逢君試建平
幾歷煩曲經錯節要臨下邑著循聲
退公且喜兄偕弟任事休論利與名
何術三年堪報最鶴翔明月聽琴鳴

楊氏家乘

百五

題郭旭南石交樓

介休公作補入

竹老全依月峰成半入雲可知人境外
風味盡輸君石骨參差見香清斷續聞
誰言不能酒蕉葉有餘醺

卽墨楊氏家乘

健齋銘鼎鑒定

清溪玠纂集

藝文外篇

族譜者譜吾族也外人之文胡纂焉有關吾先則纂之也吾先人累世讀書講道義其道德事功爲名公大人所仰重往往著之筆墨雖不敢謂汗牛充棟然亦積箱盈篋矣嘗欲纂爲一書以貽來者忽忽未就藝文之有外篇特取其關於吾先之重且大者若夫編類成書備家乘之全尙俟異日焉

楊南莊先生新居上梁文

邑人御史 藍 田 北泉

楊氏家乘

頁九

家傳清白鱗堂開千載之祥勢壓山川華屋峙一區之盛問天下築擇地開荒忽驚興作之勤遽成燕休之處聞者手舞咄哉翬飛南莊主人斟酌六經枕籍諸子古文奇字好事者往往從遊姑洗角鐘知音者嘖嘖稱賞信台輔逸羣之器擅臺閣通敏之才七歲屬文赤手折三秋之桂一揖謁選墨綬綰百里之符如彼同僚可羞噲伍退而問舍孰與仲多惟我先廬儘容門外之駟讓彼季子爰及屋上之烏卓哉長者之高風偉矣鄉閭之佳話平生蜚英於湖海晚歲選勝於林塘治城南五畝之園費中人十家之產物非容易而爲得事或艱難而晚成鍾山之英

草堂之靈歟其獻狀太虛爲室明月爲燭留以待公啟棟宇之宏規集班輸之巧匠斲長續短革故增高構此新宮前爲堂而後爲寢鄰乎故室右曰塾而左曰祠暫分風雨之牀請占水雲之窟四時攜酒則親故足以娛嬉千里命車則朋舊斯焉款曲體因居而寢大心與地以俱平請看賓主之再酬試聽兒郎之六律

祭南莊楊公文

藍田

嗚呼公來自晉我亦歸田日月幾何疾於跳丸東西十年相見悲歡公之逸氣上薄雲天公之丰神下照山川壽將七袞綠鬢

楊氏家乘

百五

紅顏武功告成晉秩宜遷公赴京師執手河邊萬里之別孰知此筵未拜新命忽訃蓋棺公子泣迎靈車東還羽翼徘徊銘旌悠然我迎於郊有淚漫漫勞山北蟠滄海東彎有寧一邱公歸其間維我總卅公已壯年實同藏修五龍之庵友我愛我公忘其年同赴大比公愧我先禮闈六科實同周旋通家之好終始無愆公子請婚先公從焉昔飲同堂今奠於阡酒肴雖薄誠意以宣再拜事公交盟敢寒文以告悲終夕長歎

明文林郎直隸沛縣尹鍊菴楊公暨配匡孺人墓誌銘

掖縣人巡撫

胡來貢

不佞原與公偕鄉舉公長不佞若而年雅兄事之維公視不佞亦驩然弟蓄無間憶在窮月公猶過而觴不佞旣勞謝公吾兄弟幸神明不衰何至以賤晨勞八十翁命駕也公笑曰吾自度猶任據鞍且吾老卽欲頻爲介弟觴能幾舉哉不佞領之越兩月而公訃至矣不佞駭且疑曰公遽何以死哉彼髮鬢然而墨者死耶顏渥然而澤者死耶安步衍笑詠移晷者足死耶已不知其涕泗之交頤矣又兩月公次孫兆鳳以少子懋科狀來請誌若銘不佞撫狀輒爲悲奪者再不能卒其辭何以誌且銘哉久之念懋科所爲狀固蔚然其詞矣非稍稍藉手不佞何以

楊氏家乘

夏五

慰公地下按狀公先世浙之秀水人宋初有膠水公者宦膠東嘗以事至卽墨愛其山川韞藉遂徙家而家焉嗣是迄元至正間有經歷公者生均道均道生得玉得玉生宣城簿榮榮生武昌令澤澤生別駕公良臣以鄉進士歷太平黎城令平劇盜有聲尋爲當事者忌量遷太原別駕是爲公父繼配王夫人從別駕公令黎城時始生公公稱別駕公季子諱鹽字爾貢鍊菴其別號也公生而穎慧未免懷輒能誦詩踰歲就外傅別駕公試以偶語輒應聲屬和和輒中窾別駕公喜而詫曰吾矻矻下帷而躡一第者意在兒耶甫六齡而別駕棄公公哀慕如成人王

夫人日夜抱之泣曰先君子所不待而捐者惟兒所待以目瞑者亦惟兒兒忘而父下帷語耶公跪應曰兒何敢忘故敬承揚顯之報無日不勒諸懷舞象遂諳聲律善屬文性喜書於法靡所不窺而不規規一轍仲兄舟名以才著顧獨內遜公十八與諸生角卽前諸生久之王夫人卽世公柴毀踰禮痛曰天乎不肖孤竟不得慰二尊人意乎何奪吾母夫人之速也服除爲嘉靖辛酉以二戴與計偕一時名儁爭願交驩公顧屢偃蹇春官至七上而不售士論惜之萬曆庚辰乃從銓曹例得吉州學正吉獮而樵士不嫻詩書公銳情振鐸廉窶不耐自存者捐餼餼

楊氏家乘

五十五

之士翕然翬故習幾比於鄒魯歲嘗涪之飢而情闕於上聞公爲作流離歎藉以全活者無算癸未遷沛縣令士氓遮泣至軹車不行如沛沛故漢祖龍興地下車式弔諸遺蹟慨然見古之豪傑首優者年矯敝習黜鈎距懸榜管而沛大治雅喜陶士類士日質疑問奇無不各厭意去公性植冰蘖邑嘗積羨金數百故可充橐裝左右或白公公叱曰欲以此溷乃公耶悉斥以代通負漕河咽楊中丞檄沛治之亡何奏績荷上鎔金之賜然公不能腴剝取容上官不無側目矣視倉御史楊鳴鳳望於公而公實不知遂鞅鞅曰會寢處此令哉竟飛語中公屬匡孺人及

長嗣懋林相繼逝公已巍然無留意卽解組歸臺使者河南李
公吉軒晰公賢心寬之度事業無可奈何至上計考猶特爲公
署高第瀛拔之蓋往事創觀也沛人失公如失慈母相率伏闕
白公寬不報沛公沛公何以得此聲彭徐間哉公不喜華參旣
歸一切居官服御悉屏去日與里中故老約爲忘形交公故丈
人行然不以年加人人亦樂從公遊口不挂人臧否有紛難者
得一言如獲寶鼎絕不爲居間至閭閻疾苦則先諸公極言之
尤急人之難初令沛循河時聞他舟哭聲甚殷乃論戍者鬻子
凡四公偵得其情人爲贖歸之公不爲家人生產去令後田廬

楊氏家乘

頁三

不加闕僅庀饘粥蔽風雨惟日課子姓恣吟詠自適也於詩不
必劇慮立冥以傲古作者究取諷諭流俗不詭於衢壤耳公風
神爽朗膚革充盈垂老不見星星時能作蠅頭細書居常以彭
澤自況易簣之夕猶自贊畫像飭衿俟化臨訣不亂豈無懷葛
天之遺耶捐賓客數日闔庠弟子員會請於邑長吏祀公鄉賢
諸唁者無戚疏長少人人盡哀公於人世爲何如也元配匡孺
人膠西世族父蒲州州同憲長公弟也官時多異政恢濶大度
蚤歲器公捐其淑歸焉性孝慈婉嬾公與王夫人交安之嘗不
豫孺人潛籲天乞代公學正時孺人謂官薄不欲食指累公慙

羅媛從公獨留家居婦德母儀稱於公儷矣胡子曰今之爲誌銘者大抵多諛骨者也一失則諛豈直不可蒙天下後世之公鑑卽還而質諸偃然所誌銘之人己不耐微內慙矣昔伯喈有言余爲碑銘多矣惟於有道爲不愧不佞不敢望伯喈竊自諒於公亦庶幾有道云況公之子若孫鳳瑞麟祥行能世其家而光大之乎公生嘉靖二年六月初三日距卒年萬曆二十九年五月二十九日享壽七十有九孺人生嘉靖五年十二月十四日距卒年萬曆十二年正月二十四日享壽五十有八子三長懋林庠生娶蒲州學正黃堂女次秀林庠生早卒匡出次懋科

楊氏家乘

夏西

庠生娶亳州州同周郊女側室羅出女一適如臯主簿藍園子引禮藻一適審理盧傳子嘉禎一適耆賓孫平子燾一適平度州解元崔桓子太學生炆匡出一適壽官藍固子璧羅出孫四長兆龍陽和把總官娶貢生藍柱孫女次兆鳳增生娶庠生江一色女次兆鯤廩生娶太學生孫丕式女繼娶廩生王納諫女次兆鵬庠生娶都御史黃嘉善女孫女二一適曹州訓導孫丕基子庠生如梧一適紀謨子大典俱長嗣懋林出曾孫迪吉曾孫女二尙幼擬合葬以萬曆二十九年九月初八日背乾抱巽穴坐壬丙仍於官莊之原是宜銘銘曰豈其無令疇令而循豈

其無儷疇儷而宜人其軼軻不亨者而遇之屯其跋慕不忘者而德之醇宜爾之子孫兮振振

判亳州事巨屏楊公去思碑

亳州人舉人馬光國

楊公去思者何記巨屏楊公去後之思也思公而有碑者何鑊公之令績於不朽也公亳判也胡於公有德焉當國家東西交訖之日兼密邇滕鄆震鄰之後亳之徭役旁午民不聊生又加以濠梁飛馬之蠹靈壁詭計之微如久病之人不調護之而復摧折焉其何以堪乃天哀吾民而賜之公公日左右於郡大夫苟可以爲民請命者不遺餘力故雖當水火之中而猶得稍蘇

楊氏家乘

五十五

其萬一不至逃亡星散者固郡大夫之寬仁而維挽斡旋於公之苦心者蓋不少也不佞每於感時者咨嗟於治道之不古非獨守令難其人佐理者尤難加以資郎蜚海竄入其中通神於銓取償於官借署爲市夤緣盈牘熒惑刺史之耳目吮吸黎庶之膏髓在在皆然江淮之間殆有甚焉聞公之風可以愧矣公矚然不緇時然不阿有舉必修其職應紛不殫其精如司轉輸芥夙例如污濬溝洫軫民瘼如子渡卧波之長虹知憐民艱涉覩蔽芾之種植知經濟遠猷此皆未足以盡公也他如天潢之國協濟夫征倉皇就道任輦車牛烈烈征夫固有疾苦而莫控

者公董是役不吝捐俸以竣厥務雅所云悠悠南行召伯勞之
千載而下惟公有焉抑嘗上下古今判於前代爲監州郡大夫
咸聽治焉而今且反之故往往有幹濟弘猷常扼於守而不得
展公則游刃其際樹立彌宏固公之才足以副之亦公之操行
純白有以服其心耳不然蛾眉之嬪將不免矣烏能飛聲當軸
薦剡雲蒸擢爲雲和仙令哉噫嘻名注丹屏福星移照甘棠餘
蔭鳧舄分飛毫之父老子弟攀轅臥轍不能留也咸舉手加額
祝之曰是安得奏績而後仍守吾毫以敷其所未盡歟而父老
子弟求其可以寄若思者不得僉謀諸光國列其治蹟托諸貞
珉以不泯其去思焉耳至公之休嘉茂著一段苦心茲固不能
繪也俟詳具列傳以入郡志以備太史公之採摭公諱兆鯤別
號巨屏卽墨人以經明行修起家公先大父而上五世以孝廉
通仕籍世有廉能之譽咸謂公有家傳治縣譜云

明文林郎浙江雲和知縣巨屏楊公偕配孺人孫氏王氏

墓誌銘

樂安人御史成勇寶慈

泰昌元年庚申光宗御極詔天下有司所在選經明行修者一
人貢入太學明年改元天啟余因晤巨屏年丈於京邸先是聞
巨屏名最久洎一見恨相得晚吾兩人朝夕相與後乙丑余舉

楊氏家乘

夏夫

進士而巨屏已宦臺中自是不復聞問甲申余辟地海上會長
君遇吉方知吾巨屏捐賓客已久嗚呼海內同遊凋喪畧盡如
吾巨屏又不可復作而余以逋臣追念存歿不靳流涕無從況
其多今昔之感哉今年秋長君以書來告葬且徵余銘按狀公
諱兆鯤字雲舉號巨屏世爲卽墨人高祖澤武邑令曾祖良臣
太原通判祖鹽沛縣知縣父懋林庠生娶黃氏生子四公其季
也公天性孝友慷慨有大度十九補弟子員弱冠廩於庠庚子
擬解凡七入棘闈不偶蓋數奇也壬申與家人析箸公鳩分得
樓居三兄兆鳳分一矮屋公以己分讓之長兄兆龍年老無子

楊氏家乘

夏七

公友愛尤篤許他日以一子承後長兄嘗有言吾弟愛我不減
君實至遇親族中有婚葬不能舉恆質衣以給泰昌庚申選入
雍甲子謁選授亳州別駕公以親老兩人北闈復不得志與麻
城梅學督書其略云冀孀親之色喜違初願以服官嗟呼昔之
人捧檄而喜公豈與異耶臺古譙郡公到謁湯陵拜辭考功墓
式嵇中散故宅登秋風臺慨然有解網之思毫歲運漕船四十
七隻往猾吏以做舟裝運米到浥爛因爲奸利案牘數年不清
公悉其弊自如懷遠裝運積弊一除丙寅五月桂王就封舟由
夏口入儀鎮毫與宿泗壽潁例部夫五百公至儀鎮謁王後卽

陽結中貴時中貴挾威橫索部夫金錢賂不如意遇深險輒督夫入水挖舟以是溺死者無算公太息泣下因傾橐賄之毫衆得全部而還其以疫死者六人仍舁榇昇歸公還毫旌禩數千待境上望塵凝拜時五百人從公輿後呼其老穉曰公活我公活我觀者泣下州人爲之立生祠公雅好士毫自君來而後尙聲詩公政餘與之游桐宮穀熟暨僻家園每有作愴然思歸嘗自叙余仕毫三兄仕蠡有違養親之志泣然占寄云欲遂盤飧養竟違朝夕歡後又夢東歸見母牽衣纔墮淚聽語更傷魂其他攬物興懷皆以道遠不獲迎養爲憾丁卯遷浙江雲和令時

楊氏家乘

夏

邑多流亡公檄之復業云故鄉水美誰甘作他鄉之鬼聞者感泣浹旬歸者三百餘家給以牛種復其身決大獄焚香告天嘗言治貴平易近民畏也孰若使愛治財期邑人作我邑侯歌歌之卒於官雲和人哭爲罷市時崇禎戊辰八月甲辰距生隆慶五年臘月甲寅享年五十八公體貌魁梧疎眉須平居端嚴沈靜遇人以禮其學無所不窺大要以誠敬自持著有澹齋集其治蹟載之亳州去思碑暨處州府志配孫氏邑監生孫丕式女有淑聞先公卒享年二十四繼配王氏邑廩生王納諫女戊辰公無祿諸子幼小孺人二十年食淡攻苦稱未亡人教之成

立是亦難矣晚好佛屬纊時猶數珠卒於順治癸巳三月己巳
距生萬曆庚辰享年七十四副室孫氏孫氏恭順懿動止皆
以禮自將君子於是知楊公之德又行於家也公凡四子長遇
吉庠生娶知縣孫昌祚女副孫氏出次進吉庠生娶郎中黃宗
瑗女王孺人出次連吉庠生娶知府周燦女次還吉娶贈副使
周鴻猷女俱次副室孫氏出還吉承長兄後孫男八人長贊鼎
次法鼎元鼎和鼎銘鼎宗鼎世鼎麟鼎卜於順治癸巳十月甲
申啟公之藏孺人與副室皆祔焉在城南官莊祖墓之左首壬
趾丙銘曰楊氏循吏逮公五世吁嗟巨屏爲親而仕榘榘榘榘

楊氏家乘

百五

身名以至有闕其藏公歸攸嘵孺人從之利我後嗣逋臣作銘
孝子之志

處州府志職官一則

雲和縣知縣楊兆鯤卽墨人崇禎初由選貢陞雲和知縣愛民
如子時邑多流亡加意拊循其移檄旁郡有云故鄉水美休作
他方之鬼聞者感泣月餘遠近復業每決大獄焚香告天治未
期邑人作我邑侯歌歌之其善政茲不備載後卒於官遠近墮

淚

晉生楊君解圍記

邑人同知 范德顯

楊氏卽墨名族也其先別駕公令黎城時曾單車撫賊數萬世廟嘉之及晉生風雲爲氣揚藻見瓌有據長河劈太華之致士林相長猶鱗羽之有虬鸞焉歲甲申燕京失守盜賊蠭起吾墨東南濱海其自西迤北鳴張虎視有單之賞張廣楊威劉黑虎等星基羅布無復可通青涉之道者五月間單之賞劉黑虎等結張大雅圍曾防臺於膠膠人告急衆皆擘呬而未敢應晉生曰膠墨昏齒情勢俱不可坐視遂率衆環甲往救之時金台李好賢德齋方聚衆自保固不肯下單劉慕聲赴義亦以衆會於膠晉生見其識名義用法紀因心屬之及逆賊郭爾標等投單

楊氏家乘

百字

劉爲前部引窺吾邑勾連勢孽周鴻訓黃宗豐趙業隆等合膠卽水寨兩營兵仗劫境內數萬人聚城下爲攻必取之計侍御鶴嶺黃公任守事晉生與諸人士協謀共力日夕乘埤賊畢攻之技而城以內亦極守之方相持兩閱月賊復樹郭外以柵廿餘砦首尾聯絡不使城中一人逸出乃肆行屠戮焚室廬殆盡以故環三百里內士民老稚以至黃冠緇衣無不荷戈執殳以供更番之役城雖不下而困矣先是河北諸軍亦曾以一旅相援不克而還守道張公亦督衆攻楊威於招遠未下吾邑屢遣使求救俱陷於賊無能達一聲聞衆謂事急矣安得智勇者統

數騎間出乎晉生乃慷慨而前曰捍患禦難固父母邦事也於是選能騎者徐源深盧開之等二十三人於九月二十一日夜半發西門而出時方微雨天色黢黢從西河間渡越壘積糾索出賊不意命衆按轡徐行踰斥堠舉砲以示城頭之跂以望者成約也比旦日在丙午抵泉莊距城已逾舍趙業隆部賊千人列戟相向晉生戒騎勿譁覷其中有以剗代槍者立讓之曰何爲械伍不備不速易者斬以狗賊衆伏息應諾妄謂彼渠魁遊巡也乃又按轡徐行徑去過靈山王曠乃賊敗河北援兵處廉知其僞署千把姓氏給之同行踰三舍斬之旣而抵萊之古縣

楊氏家乘

頁七

立哭於庭不得請中夜自思楊威未滅河北兵終不可南金台方慕義且與單劉屢構兵崇好剪讎未必無濟踰日戊申折而西至古縣鎮有劉生遭賊於途妻孥夫夫投鎮哀號晉生曰此情視吾邑尤急方食急投箸起率衆騎馳數里奪還其家屬行李劉謝以金珠不受而行抵夜宿謝公小莊己酉晨起有于生以郭賊北掠哭告且曰聞君救劉生義士也沾尤左右不知君所從來疑君爲飛將軍其亟拯此一方以爲北蔽不然晉爲賊矣晉生然其說乃效趙雲漢川之戰以二十三騎散漫遍野爲疑兵賊懼而退因語于生以故于生曰適傳李德齋敗於高密

回矣恐不足以應君之求晉生知新合之衆不復肯以挫進計至郡城可圖緩急因復折而北日已暝山道險隘馬不能行衆皆擐甲徒步披荆攀葛陟巔降壑者數十重忽火光遍野則張廣救楊威凱旋師也衆懼思伏匿晉生揮之遶火而東比明出谷口始知大清已定鼎院道畧地受事方新因遂告急得發檄徵兵於柯鎮仍以十騎護之辛亥至高望山賊猶阻路衆示以新檄喻以利害賊乃釋甲羅拜求招安壬子至紅蘭遇賊數百偵知爲密賊被圍茲隊乃調分攻吾邑之精銳往援者晉生憤甚揮衆騎衝殺數人賊潰散猶以不能殲之爲憾是夕抵膠聞柯鎮臺留密圍賊李德齋亦率所部從軍癸丑至密呈檄請兵時議待破密而後移兵晉生以申胥倚牆之情求分官兵而以滔于禳田之意通於降卒得卽日發韓守備統鐵騎百將李德齋兵萬餘來援甲寅次樂邨晉生乃先入理餉嗚呼以解楊之忠也登樓車以致命而不能脫鄭國之囚張貴之烈也匿蠟書以求援而不能勝龍尾洲之截戰晉生乃出入綽綽如此其智勇爲何如耶十月乙卯朔兵至賊潰殲渠救從墨慶更生於是合邑紳士咸德晉生爲再造云德顯備問其詳不禁擊節而

三嘆也是爲之記晉生諱遇吉

楊氏家乘

故庠生孝義晉生楊君暨配孫氏墓誌銘

宣城人侍讀 施閏章 愚山

君諱遇吉字晉生其先世浙江秀水人宋初始祖膠水公仕膠東學博因徙家於墨元至正間有經歷公生均道均道生得玉得玉生宣城簿榮榮生武邑令澤澤生弘治戊午舉人太原府通判良臣令黎城時單騎撫青羊山賊數萬去後黎人祀名宦墨祀鄉賢良臣生嘉靖辛酉舉人沛縣令鹽沛祀名宦鹽生庠生懋林懋林生雲和令兆鯤先是倅亳州多善政其治蹟載處州府志毫祀名宦雲和公四子長卽君次進吉蚤世次連吉俱

楊氏家乘

夏三

諸生次還吉出繼伯父兆龍後君生而磊落有氣槩重然諾立信義鄉黨多嚴重之雲和公蚤見背君率諸弱弟慷慨淬厲一身支持分甘讓少有江革之風焉叔弟廷吉建吉數齡失怙君延師訓之兩弟皆貢入國子學有成立其門內之行最爲修謹而有踔厲奮發不類章句儒生歲戊午 上徵博學弘詞之臣子與君季弟還吉同應召在京師時過余揚挖風詩考訂道義間述其先世孝友家聲清白予爲慨然者久之一日出一書示予曰此伯氏解圍記也予讀未終曰異哉儒服而穰苴乎是非墨人之幸也夫崇禎十七年二月闖賊李自成自山右入居庸

關攻陷北都懷宗死社稷自成僭位大河以北盜賊羣起登萊負海多險阻其嘯聚者尤衆墨逆賊郭爾標等劫膠卽水寨兩營兵仗爲亂晝夜攻圍且兩閱月岌岌不保君愀然語衆曰孤城坐困圍之解也何日之有予將冒圍乞援諸君肯從我乎衆皆太息泣下乃選敢勇者二十三騎九月二十一日丙午夜半發西門環甲彎弓突圍而出夜方微雨臨發與城頭人約曰吾騎得脫當舉砲以示更餘西北隱隱聞砲聲城頭人皆舉手稱慶明日頓騎河北遲明大雪騎士駿彖烽火遠近相逼乃間關度大澤諸山轉抵東萊郡亟請於院道諸公曰某來時墨人饑

楊氏家乘

夏吉

疲就斃皆恇懼不任戰忍死以待救誠不意撫軍畧地至此稍遲則墨無噍類矣時我國家新入關院道諸公受事方三日乃發檄徵兵於沂鎮總兵柯永盛時柯鎮圍密賊單之賞於高密遂自北折而南癸丑至密立哭幕府越四日丙辰大軍抵墨殲渠赦從墨圍乃解踰年撫軍丁公會識君於入萊乞援時親召君入濟上君以太夫人在堂卒不肯赴予聞君之行誼舊矣往予山東學使者僅僅一識君於文場當是時固以儒生目君也豈知懷奇越俗焯然大節可紀有如是哉思一再識君而不可得恆流連於心而不能去辛酉春六謙以書來告訃兼讀其

所爲行述予歎惋者久之知君卽世已久傷善人之無祿悼佳士之不偶且徵予銘會予典試河南事竣還朝歲且盡矣乃披次其行事施子曰隱不違親孝也臨難不辭義也是固里謚爲孝義者此也墨人豈惟一時思之且百世思之傳曰有功德於民則祀之捍患禦災則祀之異日者二仲美報君庶幾不愧焉君生於萬曆癸丑七月初一日終於康熙庚申十二月十三日享年六十有八配孫氏繁時知縣孫公諱昌祚女婦道賢淑是宜爲君儷生於萬曆乙卯十月二十一日終於康熙乙卯三月初二日享年六十有一子五長贊鼎病廢學次法鼎廩生娶太

楊氏家乘

頁五

學生周公篤昌女繼娶平度州崔公信徵女次和鼎庠生娶浦江知縣黃公坦女繼娶萊陽庠生遲公釵女次宗鼎廩生娶庠生周公旭女次世鼎出繼女二長適官生藍啟亮次適王繩徽童孫六長珍次瑛次璿次珩次琬次瑄擬於康熙二十年十一月十八日合葬於官莊祖塋之昭位銘曰守卽墨者十年之上有安平完卽墨者千年之下有晉生固無論千秋百世仰三公之遺烈孰不感激而涕零試於陰風晦雨如見其鐵騎之馳突如聞其銅器之震聲其人己往其功己没吁嗟乎是爲楊公之佳城孺人從之以攸以寧以昌其嗣以受其祉爾後必興

楊生詩序

施閏章

古之君子其立身也粥粥然其若墜於淵其發言也惴惴焉若不出於口若是者何也度其言若行有出於人矣必退而思曰得毋有倍蓰於我者乎得毋有十百千萬於我者乎操過人之業者懷不及人之憂積光輝之盛者厯鄙俚之慮是以飭躬足式吐辭爲經發邇見遠傳之後世爲不可及也孔子見老聃聃告之曰去子之驕氣與多慾態色與淫志夫孔子盛德動容中禮豈實有可訾如老子云爾哉而老子告之若此夫子有猶龍之歎况後世之以言語文辭表見者乎古之君子先河後海言

楊氏家乘

夏六

有源也先行後言云有序也今之君子不然目未周六經而馳騫於稗官之冊口未諧四始而涉獵於詩賦之文屈首八股終歲伊唔一編則羣目爲讀書其視古小成大成之學居何等也浮文盛而實學衰皮之不存毛將安附宜乎天下之大四海之廣求一文人焉未可得也卽墨楊生還古志潔而行芳才茂而年盛其鄉皆稱之而不肯就童子試縣令張君琛折柬招之強而後出余爲補諸生冠軍鑄其文生以詩文爲質逾年萊州道張君合萊之士而較之又拔爲特等遇以國士張君號知人生用是名益著念子始遇之殷而度予之將行也徒步來厯下又

質其詩文各一卷其意高其請益之心勤且至矣夫名之將成
敗者將至名之既成忌者斯至楊生行業日進而予懼無以益
之乃告以古君子之道知楊生之必有成也生歸過掖水有羅
生鴻圖者亦余首拔士且又爾友也其亦以是告之愚山施閻
章書於獨樹軒

山巷草叙

四明人董劍鏐佩公

山左一大都會也於泰山得其高於渤海得其大邑之屬者七
十有奇而卽墨爲之殿間厯稽沿革厥名尙已顧燕人之入望
風長驅獨卽墨三年未下俾全齊旦夕焉悉復則意其地矜氣

楊氏家乘

夏七

負節有出異於齊風之上者至今茆廬風雨中宵似聞銅器聲
猶鐵鑊云余由城北行六十里馬上望古卽墨墟想見安平君
神師飛鳥燒葦縱牛事低回不能去及詢書帶之草與蓬萌之
囷田橫之島俱瀾莽不復可得而得之儻然止贄然立使人之
意消者則惟楊子六謙楊子高卧山巷扃戶讀書眎戶外事會
不足以柴其內故其詩靈曠深秀之氣直透楮背非行輩稱詩
者所可跂及詎非詩本性性情所至自叶中和者歟夫楊子
固氣節矯矯者矣乃余卽其人義而不朋濇乎進我色也與乎
正我德也則殆所稱人貌而天虛緣而葆真者而寧僅是矜氣

負節之或爲名尸耶嗚呼泰山之高渤海之大余平生夢寐及之矣顧泰山去邑八百里而遙末由一恣登陟身不能至徒嚮往之逮入東萊則趙羅二子招觀海者綦殷而究弗果赴東游所得惟得之楊子之人與詩然則楊子蓋實有其高且大者以賜予予卽未嘗登岱望洋而磊落胸次間不已足以小天下而王百谷哉

雲門草叙

溫陵人黃虞稷 邗部

今上康熙戊午春詔求宏博之士一時海內名彥羣集京師余始識六謙先生於鐵源趙編修座上同飲酒賦詩甚樂也未幾

楊氏家乘

夏六

余以母喪歸六謙方待詔金門試後罷歸同時獲舉者五十人咸受官翰院六謙仍以韋布歸鄉里卽墨之與金陵間千里而遙不相聞問者久之壬戌春六謙復入京師余方以修史徵入一晤匆匆而別今年丁卯夏五六謙再過余邸舍屈指相晤之期已五易裘葛迺迴憶始識之年且十稔矣嗟乎此十稔中同時被舉諸人升沈得喪不知凡幾而當時座上主人少壯遂夭死尤可傷也今六謙一再相晤貌雖蒼氣彌壯吟興益豪子觀其雲門草遊覽所至長篇短什高秀渾雄迭宕縱逸如少陵峽中之作東坡海外之篇何多奇也嗚呼世運之遷改可以困庸

流而不可以厄志士榮枯之感遇可以論功名之士而不可以語於見道之人先生素志聖學故不以血氣爲盛衰宜其泰然自得而時勢之感所不足以動也今方將以經明行修舉於有司抒其生平之所學以見於世斯集也固不足以盡六謙然讀是詩者亦可以知其胸中之所蘊非如時俗流輩苟博一官已也

楊徵君年譜後序

邑人 都御史

郭

琇 華野

余與徵君猶子枚卿結朱陳好故知徵君家世甚詳自其高祖太原公誌載孝友勅褒忠勤歷世而降代有偉人徵君仰念先

楊氏家乘

頁五

型惕然加勵讀書則日昃不輟迪德則蚤夜不遑念陽和雲和兩公音容莫覩未獲承菽水歡每至忌日輒哀慕深切潸然淚下與諸兄晉生大復彙征三先生白首同居和樂無間有元方兄弟之稱待子姪恩勤篤至笑言淡洽而少有過失輒不爲假借必規於正道然後已鄉黨間羣奉爲前輩典型處大事決大疑凜然不可犯及燕見款洽太和之氣藹如也總角授書七十年手不釋卷乃至淒風苦雨酷暑祈寒旅舍羈棲朋輩過從未嘗不披閱諷咏與古人相對也家素貧子女婚嫁稱其有無裘葛僅足蔽身坐卧一小樓榭摧瓦敗不治飲食淡泊間或絕粒

日午不舉火處之晏然歌聲如出金石中所謂樂而忘老者歟
嗚呼徵君博學多識人皆以公輔相期乃迫而後出卒不偶膺
天子詔蒲輪詣闕大廷獻賦亦竟不偶是何其豐於德而儉
於命耶庚辰徵君長孫玠弱冠登第人以爲徵君積學力行之
報語云善人有後又云不於其身者必於其子孫今且於徵君
信之徵君既歿邦人士以徵君道德博聞可謂曰文夙夜儆戒
可謂曰敬因共私謚爲文敬先生余竝徵君德行文章卓卓可
傳懼或久而湮其實也故爲之譜以備吾鄉之文獻云

楊君孝威四十九歲壽序

華亭人都御史 王九齡 薛澂

楊氏家乘

百十

卽墨楊子承玉余庚辰主禮闈時所得士年少耳顧溫潤而栗
遠到器也詢其家世則云先人自有明弘正以來皆以仕宦著
惠政孝友門第載於郡志其王父六謙先生積學力行不求聞
達後以博學弘詞詔徵應授中書舍人不就歸閉戶著書以老
其尊甫孝威年丈克成親志邈世無悶余良欽其清風亮節兩
世皎然故能貽厥孫子鬱爲家慶云今年楊子謁天官筮仕得
顛縣爲親請 勅封於朝將之官道過里門爲孝威舉介壽之
觴而丐言於余蓋孝威今年四十九歲矣按曲禮五十曰艾注
四十九以前通曰強今孝威年方強而遽以壽稱不亦蚤乎雖

然楊子之爲此也固亦有道焉。幽風之詩周公稱其國風土之舊，其言耒耜蠶桑治田墾戶之事，而曰爲此春酒以介眉壽。是古之人田間聚處，伏臘社飲，輒以壽爲祝，不必論其年齒幾何也。况王制五十養於鄉，祭義五十不爲甸，徒則曲禮雖言七十曰老而傳然，五十始衰，當亦得通言。老詩所云爲春酒以助養老之具者，安知其中無強而艾者耶？且夫人之不修其德而能至期頤者有矣，然而奚其壽若夫履仁蹈義，寬然修君子長者之行，以導迎和氣，則當年齒方壯時而爲里黨所尊崇，爲人倫所模楷，其爲壽孰大焉。聞孝威事親至孝，家故貧，甘旨不缺，溫清之節一循古禮，雖掃除亦必躬親，處兄弟門內無間言，族黨千餘人，事無大小皆就裁決，退咸服其公正，其德行類如此。今楊子捧檄登堂，洗腆潔膳之餘，子祝以耄耋，父訓以循良，豆觴尊俎間依然獻羔祭韭之風，覺徵君淡泊遺澤守而未墜，涓靡渾厚，蒸爲太和，卽何待皤皤黃髮，然後可以稱老夫哉。於是乎書以贈楊子，而侑其觴。

孝廉楊君傳

補入

周毓正

君名琬，字仲玉，其先世自秀水官膠東，因徙居墨，有良臣者，舉弘治戊午官太原府判讓產兩弟，以順親心，今祀忠孝節義祠。

楊氏家乘

百七十一

故邑中稱孝友家首楊氏祖遇吉國初以諸生解墨圍載郡志
父和鼎丈夫子三君其仲也生有神采眉眼如畫總角與兄璿
同學戲而損兄所受書師以爲兄罪將夏楚之兄不辯也君趨
而前曰毀書者我也請受責師大奇之語其父是有至性孝友
家聲其在斯乎未幾父捐館奉母氏訓且泣且讀讀書目數行
下出語輒工妙弱冠售督學試邑人傳誦其文雖老師宿儒皆
愧歎以爲未易才兄磊落多豪舉不問家人產產日剝君雖析
箸高堂甘脆及一切賓客戚黨往來費皆獨任之又以兄任家
督不能俯首几案苦諸生剝束之常鬱鬱君割膏腴爲援例國

楊氏家乘

頁五

學順適其意舊居湫隘析而三室如蟻不能容衆指君盡推與
兄弟而別買棟宇相連者徙居之曰苟兄弟有遠吾親者懼老
人食不甘也弟瑣出繼季父去而山居距城四十里每以事來
君爲置酒環母氏側笑語竟夕流連不忍別山故有先世別墅
當風日和暢率諸孫奉板輿徜徉其間春新歲夏河鮮秋霜粟
兄弟左右侍皤皤黃髮顧之爲加餐盎然太和也母故萊陽宦
裔舅氏失業不能承菽水君啟太孺人迎外祖母養於家其終
也爲具含殮歸諸遲氏之兆長姝適黃氏歿而家貧君收其遺
子女飲食教誨之爲畢婚嫁曰毋爲老母戚也君旣負儻才戊

子薦賢書卽自謂一第無難者屢上春官輒被放而君已病矣
庚子九月長子士鑑舉東省第四人報至猶強起坐榻上奉母
氏觴曰前術者謂鑑兒應秋捷明年兒亦當第今其言名次皆
合兒庶有瘳乎母亦笑相慰勞後數日病益篤執兄手曰弟不
支矣修短命也不獲終事老母異日將獨累吾兄奈何遂嗚咽
而瞑平居尙潔修重然諾恥以門閥相矜配郭孺人大中丞華
野公愛女也郭公督楚約君往省乘款段被儒生服入其境戒
從者不得名郭氏戚聞武當山奇秀忻然神往已念客自府出
道路將物色之且爲岳翁清德累遂止與人交有始終素心好

楊氏家乘

重三

友生急其難沒恤其孤落落有古人風不悉錄錄其孝友大者
以見君克世其家焉兄璿舉雍正丙午順天官籍時士鑑已入
翰林故也後改吏科給事中弟士鑰士鱗皆先後捷東省

卽墨楊氏家乘

繼齋楊 玠承玉氏撰

家世舊聞

先王父文敬先生喜道說家世舊事訓教子孫余耳熟焉門內諸從間來亦數數語之文章氣節下至衣冠動履無不稱述冀克肖也庚辰正月初六日予赴試禮闈先王父猶送之門令騎而行乃入時年七十有五精神矍鑠耳目聰朗都不類老人予私心竊喜以爲百年徵比入都久不見家書心且疑之時夢寐驚訛身肉爲顛疑有大不祥事顧不敢思及終

楊氏家乘

頁七

天恨比歸則聞十五日已捐館舍蓋距倚門時僅僅九日而捷到之日已及七七期也嗚呼雞豚不逮音容長已不惟烏鳥私情莫能自遣家學流傳從此絕響矣自是以來東西奔逐訖無寧日小弱弟兩人未能時與講說况疏遠者哉己丑長夏官署無事讀書弄筆因念先世以來名德懿行宜有聞於後曩時所聞半就遺忘不及今撰述恐遂失墜有辜先王父訓誨爲罪滋大用是隨筆記注名之曰家世舊聞己而從祖父健齋翁來顛携所次族譜世表益用考據壬辰罷官僑寓刊譜其大者登之家傳藝文各卷中是編爲無用乃其流

傳小事不可入傳亦有不忍沒沒者仍刪而存之述所聞耳
間考往籍陸放翁務觀有家世舊聞一書傳於世名之而也
似竊諸昔人然吾誤述時初未見陸作見之於其後不欲變
且陸所述多其先人立朝事而此編盡載居鄉不相蒙也則
予與放翁亦各誌其舊聞而已矣然予乃更飲泣於無窮也
林哥莊乃吾家祖居邑中人至今稱山前楊家相傳原籍浙江
秀水人始祖宋神宗時爲膠水教授遭金人之變卜居卽墨靈
山之陽是也膠水今平度州考一統志宋有嘉興無秀水秀水
縣治立於明宣德中當時不知何據神宗朝亦無金變大抵傳
聞異詞也沛祖墓誌載膠水公以事至卽墨愛其山川蘊藉遂
徙家而家焉又不知遭亂之說起於何時當以墓誌爲正

楊氏家乘

頁五

經歷公今奉爲一世祖前無考也公二子長諱明善次諱均道
明善公之後爲北支均道公之後爲南支初太原祖族譜繪像
始祖而外託始於均道祖其高祖也後世不知北支所出其北
支亦不能悉其派後癸巳王孺人卒先徵君撰行述窮搜舊篋
得武邑公與遼東族人書稿始知明善公與均道公兄弟也乃
反爲大宗北支族人愈往來親密片紙草稿垂二百餘年始出
遂得收一族固先人有靈亦以見典文之所係綦大也

二世祖初名明道學益進避大程夫子號易今諱健齋翁云
吾家世稱軍籍先人應試皆稱焉余初應童子試猶書之縣吏
劉希顏持不可遂易民籍洪武末吾族有名孝虎者於三世得
玉公爲堂伯祖應補遼東鐵嶺衛軍伍老矣難其行三世祖代
往今家譜繪像猶是戎裝佩刀云
三世祖像贊云幼亡父母壯入行伍老返鄉園悲哉會祖太原
公作也考武邑公與遼東書云思老祖母蕭氏後有圖表則二
世均道元配氏蕭也三世祖以思母歸似有母在堂不知此贊
何以云爾或當時別有所據乎

楊氏家乘

夏六

宣城公畫像贊云居官四十餘年宣城公爲宣德己酉歲貢主
簿乃歲貢初授官何以四十餘年位止此明初官制殆不可解
宣城公兩子長卽武邑公次諱潤中村石廟子西城姜哥莊丹
山等處族人皆其後

武邑祖善書法而遺墨杳無存者余幼時赴童子試見縣署具
瞻堂下左階一碑乃其爲增廣生員時所書歸爲先徵君道之
驚喜殊甚今碑猶在

武邑祖墓在水交面對三峯下臨長河天然秀絕相傳雲和祖
自亳州判陞任歸至墓所遠眺日吾銀帶猶應出此其後堪輿

家行過之者曰此當世出才人矣

太原公讓產時方爲諸生所謂因知孔子兩行字不受前人一寸田者也先徵君言少時見其析產分書兩弟騾馬各七十餘匹他物稱是不爲薄矣藍侍御南莊先生新居上梁文曰維茲先廬儘容門外之駟讓彼季子爰及屋上之烏蓋實錄也

太原公中卯治戊午科舉人吾家發解自此始

太原公初爲太平縣知縣平易近民民便之有太平鳴琴圖歲久損壞余少猶見之獨坐堂皇焚香鳴琴農夫羣聚蒔秧其旁意思閒遠恍見熙皞景象素傳令山西太平縣然山右無水田

楊氏家乘

百七

觀此似是江南太平也

太原公論王正宗師老財費疏稿書一毛邊紙簡沛公書其面云爺爺彈王正宗疏稿容當刻出示後人然未果也疏奏作何處分不可考矣

太原公令黎城時朝覲二次領勅書二軸皆押敬天勤民之寶盛以龍鳳竹筒至今藏祠堂櫝中文敬公嘗爲祖廟聯云單騎青羊三撫寇七年黃勅兩朝天謂此

萊州府舊志科第二百年凡四百九十餘人惟太原公特書以孝友稱無其儷者

太原公嘗祀皂日值大雪有聯云天上有花飛白雪人間無計
捉黃羊文敬公嘗有祀皂日寄山巷諸子詩云但將白雪登高
臥休羨黃羊祝成闌用激勵其志氣後著論以陰子方至孝有
仁恩太原公孝友於家仁恩著於撫寇活衆與陰氏有同符者
蓋羨其德非羨其巨富云云惜此論今未措來後祀皂聯遂屢
用黃羊事其一云黃羊欲薦神爲嗜白雪俄飛天雨花其一云
家傳丹桂迎秋茂臘薦黃羊受福新蓋戊寅嘉平也玠次年遂
登科

載軒子太原公中子沛祖兄也與藍侍御友善藍爲作載軒子

楊氏家乘

夏天

小傳甚悉其爲人嘗傳一日葛巾野服行山水間有貴公子挾
客劇飲酒酣分韻載軒直前藉草坐其旁貴公子者不識其誰
何人也意輕之顧曰爾亦能詩乎則謝不敏頃之一人出韻載
軒子不覺失聲曰非是此在某韻一座皆驚詢之知其載軒也
慚慙稱謝求賦一詩而去

載軒子詩文甚夥顧皆散逸無存康熙癸酉文敬公於承桂堂
集諸孫錄沛公詩集內有書載兄作者命檢錄之共得詩九章
乃序其端題曰載軒子遺稿

載軒子題華樓絕句云蕭疏古院閑來步雜砌苔錢雨後綠道

人取帚欲何爲掃却松雲待鶴宿書一斗方下書云載軒二祖詩雲和公筆也癸未與仲玉兄遊華樓爲揭之壁間

沛令公生於黎城五歲能屬對高才尤善書法邑人至今稱才子楊三爺

沛令公五六歲時坐井口垂足其下意若甚樂家人見之驚懼乃不敢言自後潛行抱之起亦不驚公五歲卽能屬對豈不知并險者由其神完氣壯履險若夷耳故卒爲風流人豪

沛令公初任吉州學正屬歲大饑有夫婦攜二子餒甚丐得米升許投毒煮粥食之四命並斃公見之惻然命瘞焉作流離歎

楊氏家乘

百五

上直指事聞得賑全活數萬人吉人後以名宦報公

沛令公發解以嘉靖辛酉傳遼東族人曾一來賀其物貂鼠披風一襲允康公嘗言猶見之

沛令公喜着綠袍今遺像裏衣猶是

沛令公草書特絕親書詩文猶存百餘卷紙千餘幅藍北泉先生刻有待御集後其裔恭元先生訪於先文敬借沛公手錄十八本去得集中不載者四百五十餘首

沛令公大字道勁飛動東萊保釐雲朔坊綸褒坊卽墨縣治前山海名邦坊是其遺蹟墨蹟可見者惟族譜前楊氏遺像而已

街門世科二字亦是沛令公書明末闖賊之變傳聞有懸額於門者卽刑追助餉邑故家爭先毀去此額以松烟塗之康熙丁丑重作大門取下拭之猶可辨遂勾出用之然丰神稍失矣味道樓承桂堂皆沛令公爲孝廉時所建樓額邑令湯公明善書旁云鍊菴楊公性不味酒故以味道名樓堂額公自書相傳以小米撒案上成之

沛令公不飲酒而喜釀酒晏賓客相傳公四歲時飲酒偶醉太夫人批一掌遂終身不嘗麪蘖今春秋墓祭率置茶一甌其上先奠然後澆茶酒如他墓

楊氏家乘

夏平

巡倉御史楊鳴鳳爲飛語陷沛公不惟事皆烏有卽其人遍徐州四縣亦無有也

味道樓西北有花圃晦羽亭在焉亭前大柿二株每霜降葉丹呼童子收取至盈一屋沛令公盡書之

晦羽亭圖書凍石螭紐刻深寸許予十三四猶見之今遺失矣庭鶴清風圖書相傳沛令公物寬寸許微長黑如漆堅如石顧輕如葉其光可鑑不知何物琢成今在華玉兄處

沛公遺像乃藍二莽寫藍當時名筆紗帽高一尺四五寸當時制也所謂峩冠者也存味道樓上

沛令公善鼓琴畜鶴甚馴每援琴將奏鶴見爐烟騰起則翹首
几前似領畧音韻曲終乃去公嘗有詩云鶴窺香靄聽鳴琴
世步青雲坊在南門內爲卯治戊午嘉靖辛酉建也載在縣志
明末兵臨城下近城坊表皆椎爲碎石充礮擊之用此坊遂毀
官莊北塋原是莊基沛公居沛時匡孺人及蔭潭高祖并卒於
家沛公自沛延一名僧來相地舍官莊月餘四處游覽無當意
者一日晨起詣後園周視忽驚顧曰地乃在此取橙憑牆望之
良久曰是矣遂定焉徙莊居於西崖之下其地四面深溝環繞
中間隆起平坦如掌稱金盅玉檯盤

楊氏家乘

一百三

蔭潭公有小像在族譜先徵君嘗欲寫作大像以便瞻拜不遇
名手未果

孝義公嘗問雲和公大父蚤世不知爲人何如雲和公曰比如
手持黃金一錠有告之急者識與不識輒贈與之不少吝亦無
德色過時亦無悔心也

蔭潭公仲弟秀林同產也少聰慧喜讀書嘗竟夜不輟補諸生
年十九而卒沛公悼之甚有詩哭之

秀林公葬官莊西里許地名松樹裏頭沛公嘗欲用之栽松數
千株一夜爲土豪拔盡僅餘一株公太息曰卽此便是不吉值

秀林公卒未娶無後遂葬焉後此樹且百年巍然甚鉅故以名
今族中側室之無子者成人而無後者天殤者並瘞此卒爲凶
地知幾其哲信夫

雲和公乃先徵君本生父高祖蚤世事沛公極孝於諸兄弟中
尤見愛沛公嘗云是類我庚子擬解元竟不偶嘗應試沛公以
詩命之曰昨夜夢到桂樹旁嫦娥携手囑楊郎此花戊午傳辛
酉留待今秋付爾芳試畢文佳甚喧傳歷下公亦有詩曰最是
阿翁懸望眼西風馳報子雲亭又曰平明馬上人爭識猶帶蟾
宮桂影來蓋命中矣然而不中者命也夫

楊氏家乘

頁三

沛公誕辰是六月初三日萬曆己亥壽七十七親知集慶陽和
蠡縣雲和皆爲四言詩侑觴雲和更度曲授伶人歌之其首云
七十七歲壽筵開雨霽槐陰瓜菓排允康公爲曾孫年五六歲
雲和公代爲之詞曰我擊鼓我鳴鑼跳躍庭前發壽歌百歲年
年今日樂新酒進當長生藥沛公大悅一時里黨傳爲盛事

沛公寢疾飲食湯藥非雲和公弗適也嘗食雞羹不如意曰吾
前入萊道過劉家莊某氏所爲雞羹甚善雲和公卽馳往約其
人來烹而進之沛公殊喜然猶云不如曩時蓋病深矣於是遂

卒

今譜稿世表本係雲和公據錄公年時纔二十有一
萬曆四十八年庚申八月朔光宗卽位詔以明年爲泰昌元年
勅天下有司所在選經明行修者一人貢入成均雲和公與焉
九月朔光宗崩熹宗立詔以本年八月以後稱泰昌而以次年
爲天啟元年諸選拔始應廷試故此科或稱泰昌庚申或稱天
啟辛酉云其後朝臣有奏先帝取人止此一途宜破格擢用以
昭曠典者下部議無賄而紉然此亦仁孝之言也

陽和公兄弟析箸時雲和公分得味道樓西偏蠡縣公分得廳
事西草廬蠡縣夜飲歎呼曰乃貶我到陰山背後詰旦雲和知

楊氏家乘

頁三

之神券而往曰願與三兄易此居蠡縣問故答曰弟讀書此屋
人心所安也卒易焉

雲和公判亳州德澤甚厚三年陞任亳人旣立碑以誌復爲渦
橋惜別詩文一冊道其垂涕留連之意後二十餘年亳人思慕
不忘祀諸名宦判而得此難哉難哉

先王母長兄周華岑先生常語人曰雲和公陞任過里門偶值
解氏喪往弔之與陽和蠡縣太學便服聯步往返不乘輿不張
蓋當時以爲美談

曾祖陽和公如雲和省弟且丐先徵君爲嗣也遵疾且不起雲

和公爲製衣盈篋昇至陽和點首曰謹藏之弟爲我置卽以付
吾兒可也時先徵君方三歲嗚呼

太學公巨溟曾祖少弟撫諸孤姪慈而有法事叔父則甚敬赤
雉之變恭順以受之家庭閭闔曾不一見於言每歲首夜半
拜神主畢卽率諸姪往叩至門叩關有老僕楊升者開門見之
卽問曰以爲何人乃吾叔與哥們乎三爺猶未寤也公淒然布
氈氈霜華積雪中望拜而返歲以爲常無怨怒之容焉

巨溟公是大司馬黃公子婿所居舍乃先世萊園司馬公爲建
樓房廳事今樓西尙存舊井建樓時允康公方爲兒騎竹馬戲

楊氏家乘

頁六

其上板覆墜樓壓其下啟之無恙後此樓歸公年八十餘終於
此亦奇事耳

允康公治生勤儉初三冬束一帕不御綿襖故卒至萬金允康
公平生勤慎嘗偶失色一堪輿家其人銜之以公官莊園林獻
豪貴云係美穴豪貴竟葬其子以他處地如數與之巨溟公不
平曰爾但云此地屬我我當力敵之允康公曰君子不以其所
以養人者害人然亦終不犁其所與地數十年彼竟遷去乃歸
孝義公自少卽沈毅陽和公雲和公并卒於處公時方十六歲
崎嶇艱難卒以喪歸家人蘇慶者驕悍難治一旦晨起舟中肯

樞端坐梳頭公泣責之蘇慶張目曰如此我赴水死矣其意若有不善者公遂默不一語歸乃逐之其見機如此

孝義公就婚山西繁峙縣聞孔有德圍萊州念母老諸弟皆弱思歸值邊帥祖公奉詔援萊乃戎服雜大隊中馳馬而返名僕曰馬東其卓犖英發之氣已見於此故卒能冒圍乞師奏全城之烈

甲申土寇郭爾標爲首郭故黃氏僕也忌釋憾於其主故侍御黃公守城益勵孝義公將乞援師軍裝不備侍御以家藏大司馬甲冑奉甲上盤螭皆赤金爲之卒事而返或謂公可留示子

楊氏家乘

頁五

孫公卒返之

孝義公乞援臨發與城頭人約得脫至小李村當舉砲以示馬東持火具比至遺矣從騎徐源深請按軍法公不可敲寺門呼僧出火既舉砲源深又請誅之公曰嚮者馬東固應誅矣以吾乞師將活衆今未救一人而先行誅殺吾不忍也源深曰不誅此禿必漏於賊矣公曰第聽之吾終不忍也遂行僧果漏師於賊故有河北之追噫公固仁心爲質源深亦奇士曉兵機者歟孝義公友愛諸弟甚有甘脆雖少不獨嘗也嘗一日邀諸弟共飲止盤中一小魚盈五六寸而已文學彙征公及文敬公時時

言之其後年七十餘皆守此風焉

彙征公山居既久絕不作塵埃想常夢游虹斷成律詩一首覺後不遺一字其詩曰星稀月沒衆山高鳥雀羣飛過大勞十里松聲潮未落一天春色雪初消千株桃柳圍農圃幾派清流漾月橋處處武陵迷去路居人休復問何朝文敬公跋云起句全是夢中恍惚之音予亦往往有此然不能復記憶成篇此奇文可存後倩紀梅林先生作圖題其上文敬公漢年公恭先公長年公皆有屬和親筆書之今不具載

彙征公喜植水仙悉其性情常作帷護之有序云水仙奇卉也

楊氏家乘

頁六

植於秋杪茂於冬末喜水而好日霰雪零則嫩葉菁葱寒律窮乃花朶香艷洵卉中之奇賞几上之珍玩也但恐朔風凜烈霜夜凝寒則輕弱之質或不勝其侵凌也爰製帷幕以作擁護朝則出而就暄夜則入而避凍庶凌波麗質賴以扶疏而絕代芳姿殊益瀟灑矣仍爲詩曰漫擬西子擅當年淡冶丰神見水仙却恐風來吹欲去故將金屋貯嬋娟文敬公跋之曰一詩一序物情物理花韻花態浮浮欲出紙上成連之曲真覺移情幾欲賡和終成閣筆

彙征公蓄一驢子神俊文敬公愛之彙征公曰汝今日能肯誦

某人文稿可得時初出名稿也凡八十餘篇文敬公一夕都熟
詰且無稍訛舛彙征公笑曰汝熟文復得驢太便宜矣文敬公
亦不更請也

彙征公官莊南厓有書屋三間小區嬾真入分書係溫伯堅筆
伯堅名如玉工摩勒古文肅憲王所刻淳化閣帖皆其筆也

文敬公治尙書一歲臘月二十三日忽閉門讀毛詩七日而四
始皆成誦終身不忘

先人相傳治禮記太原公沛公皆以禮記發解治尙書自文敬
公始

楊氏家乘

百七

文敬公初讀書味道樓揭壁間云喚起喚起猛回頭百事可做
截斷截斷大開眼一切全拋又短對云棲會稽卧薪嘗膽戰鉅
鹿破釜沈舟其淬厲如此

文敬公嘗言初閉關讀書久覺無生機清明如東山祭墓遙望
飛鳶翩翩雲際自此動盪活潑不復有所扞格

文敬公初意高隱不出而名已藉甚邑令關西張公琛試童子
案發察無公名命書吏持簡招之曰聞卽墨有楊生者博雅士
也茲未應縣試豈以不佞爲狂瞽而鄙之與敦請補卷以爲不
佞光公意猶不出孝義公持門戶懼重得罪強之往次日乃赴

謁張公命題云道盛德至善然而無有乎爾則亦無有乎爾皆寓意也又試策論各一首公援筆立就大見稱賞另署作第一名以聞於督學施愚山先生先生命卽墨題曰湯三使往聘之交美也拔冠軍文出一時紙貴施公并其府縣試卷皆鏤之可稱知已矣

文敬公嘗寓東萊題壁一絕云歸鴻不斷夜來聲柳葉桃根繫別情屈指花朝能幾日莫教客裏過清明喧傳郡城錢大枝羅文河趙山公海客諸君子皆來定交

施愚山先生旣拔文敬公於儔人中遇以國士歲考題柔遠人

楊氏家乘

頁八

則四方歸之文又大佳案發僅得一等八名而學博傳語令候於郡先生試援將行文敬公送之演武場投刺先生下肩輿執手曰子文宜第一使者意亦屬子第一偶病不能檢乃置八名所謂小試亦有定數也文則刻出矣顧左右取數頁授公是年公竟未補廩膳

縣令張公一日奉到學使者郵筒發之則寄文敬公書也論詩且告將別并所著觀海集一冊同人不能遍及督學使者與諸生通手扎風流猶可想見也

登萊道張公永祺以探花分憲探風命題有中論序一首時多

不知此書有作中庸論語合序者文敬公文特佳取超等施愚山先生喜甚曰當以古文明世

王文貞先生傳文敬公二十一歲作也樂安成寶慈先生批曰叙事處筆筆史漢然非襲史漢皮毛者可髣髴萬一其爲前輩推服如此

戊午三月文敬公入烏衣山巷留七日成處處草一卷

邑令周公斯盛以少年名進士求宰吾墨甚風厲寡所交與邑人畏若神明庚戌二月十三日當徵比期升堂忽呼肩輿訪文敬公於書舍遂留賦詩劇飲抵夜方去問邑事文敬公固不肯言固問之曰聞老人多以完作欠耳周公次日遂痛禁此弊邑人賴之後與其客董佩公共倡和無虛日公序所謂每一札至不問卽知其爲證山佩公也集得庚戌倡和草一卷

楊氏家乘

甫九

戊午 詔舉博學鴻詞膠州趙鐵源先生薦文敬公詣都施公愚山亦在辟中相見歡甚諸城李公澄中亦得舉李亦愚山首拔士山東舉者四人而愚山蚤識者二稱有知人之鑒焉

文敬公在京寓王北埜先生處有桂花一株遂成桂花賦贈炙都下愚山先生評曰古人十年作賦六謙援筆成篇不傷搖落自爾芬芳將移置於上林豈含芳於空谷

文敬公所作周母節烈詩尤競傳誦評者二十餘家鄧漢儀孝
威李天生因篤尤晦菴侗孫先枝豹人施愚山閨章陳其年維
崧鄭山公重毛大可奇齡其表表者

文敬公在京作九月初七日夜雨念三兄山巷對菊無人感述
詩愚山先生評曰詩則陶韋其情則常棣之什矣毛大可先生
爲之對曰鄒枚辟召長楊賦陶韋詩篇常棣情并爲書之

朱竹垞彝尊善八分書文敬公屬其書聯曰正倫理篤恩義處
家之道和內外平物我見道之端

文敬公齋聯曰真學問實踐躬行止是常存夜氣忍困窮志堅
楊氏家乘
百九十一
苦要須嚼得菜根

文敬公年七十餘耳特聰目終不眩嘗於燈下讀細字猶能於
紅紙上作書

文敬公食貧甚從無太息之聲嘗有詩云誰知霜雪下獨有忍
冬藤常舉程子尋孔顏樂處以教子孫

文敬公飲食從不盡器必留餘分給侍者嘗曰口腹何厭之有
小童婢目注心動不一入其口中便覺忍心家人徐五偶逃其
子招喜自海上來方八九歲學搖櫓聲公作歌教之曰搖櫓搖
櫓大海爲我物朝捕魚蝦暮友麋鹿蕭蕭明月滿港秋寓君今

夜何處宿令搖而唱時時以酒肉與之招喜憨蠢以手承物自呼皮椀每食卽捧皮椀以待文敬公歿後十餘年招喜言及未嘗不涕泣也

文敬公每行路聞村落場圃間有朴責子女者卽策馬馳前止之

文敬公仁厚嘗言狗馬亦不可輕施箠撻一日獨坐寒松館雪霽日出見羣雀啄粒欣然相對命玠勿得驚之有詩云得食階前鳥雀馴民胞物與之心也

文敬公嘗遊西湖盛暑方休樹下一老翁持西瓜二枚相餉酬

楊氏家乘

夏二

其直不受曰見公容貌知爲有道者故以此進消煩暑耳豈市耶問其姓名不告而去公嘗欲作西瓜翁傳此翁其荷篠荷蕢之儔歟

味道樓後有大桑一株百年物也桑椹垂垂其甘如飴牆北呂翁年高偶病惡樹上鴉聲聒噪來與文敬公兄弟言之卽爲伐其樹後曾祖妣王孺人卒值呂翁八十壽其家命樂侑觴呂翁不可曰楊宅方有大喪何得輒用鼓吹雅集而已非宅是卜惟鄰是卜呂翁與吾家可謂德鄰矣

彙征公與文敬公嘗言數歲時見一物如驢駒突入廳事西室

中門固扃也啟鑰無所見究亦不知何物

王母周孺人孕家君時夢雷雨交作雲煙中見一羣龍在廳事前垂楊上繞樹捕蟬而吞之須臾蜿蜒自樓窗入盤於髻上驚悸而寤爲文敬公道之公比諸白鳳投懷以爲男子之祥果生家君已卯玠鄉舉文敬公題戶曰羣龍祥發吞蟬夢紅杏春先起鳳暉謂此也

丁卯文敬公領歲薦諸城李渭清先生寄聯云蓋代卯詞馬卿會獻凌雲賦窮經皓首虎觀新移博士書

己卯正月朔文敬公題玠戶曰青春靜理榮絲訓元日欣開折

楊氏家乘

頁三

桂圖時玠初娶也

詰卿公抄本稱一世孝虎祖生子斌斌生子政政生子端福端生子修見村兒改兒福生子同牛譜書不載傳疑可也

補入

